



文庫11
D263
3

後漢書卷之七

桓帝紀第七

孝桓皇帝諱志

謚法曰克敵服遠曰桓志之字曰意

肅宗曾孫也祖父

河間孝王開父蠡吾侯翼

順帝時開上書願分蠡吾縣以封翼帝許之蠡吾故

城在今瀛州博野縣西蠡音禮

母偃氏

諱明本蠡吾侯之媵妾史記曰偃姓咎繇之後也偃音偃

翼卒帝襲爵為侯本初元年梁太后徵帝到夏門亭

洛陽城北面西頭門也門外有萬壽亭

將妻以女翁

妻音七計反

會質帝崩

太后遂與兄大將軍冀定策禁中閏月庚寅使冀持

節以王青蓋車

續漢志曰皇太子皇子皆乘朱班輪青蓋金華蚤故曰王青蓋車也



010190561998

迎帝入南宮其日即皇帝位時年十五太后猶臨朝

政東觀記曰太后御卻非殿秋七月乙卯葬孝質皇帝于靜陵在洛

陽東南三十里陵高五丈五尺周百三十八步齊王喜薨辛巳謁高廟光武

廟丙戌詔曰孝廉廉吏皆當典城牧民禁奴舉善興

化之本恒必由之詔書連下分明懇惻而在所翫習

遂至怠慢選舉乖錯害及元元頃雖頗屈正猶未懲

改方今淮夷未殄軍師屢出本初元年廬江賊攻盱台廣陵賊張嬰等殺江

都長明台江都並近淮故言淮夷時中百姓疲悴困

於徵發庶望羣吏惠我勞民蠲滌貪穢以祈休祥其

令秩滿百石十歲以上有殊才異行乃得參選賊吏

子孫不得察舉杜絕邪僞請託之原令廉白守道者

得信其操信音申古字通各明守所司將觀厥後九月戊戌

追尊皇祖河間孝王曰孝穆皇夫人趙氏曰孝穆皇

后皇考蠡吾侯曰孝崇皇冬十月甲午尊皇母偃氏

為孝崇博園貴人博本漢蠡吾縣之地也帝既追尊

焉故曰博園在今瀛州博野縣西貴人位次皇后金印紫綬

建和元年春正月辛亥朔日有食之詔三公九卿校

尉各言得失戊午大赦天下賜吏更勞一歲男子爵

人二級為父後及三老孝悌力田人三級鰥寡孤獨
 篤癯貧不能自存者粟人五斛貞婦帛人三匹災害
 所傷什四以上勿收田租其不滿者以實除之二月
 荆揚二州人多餓死遣四府掾分行賑給沛國言黃
 龍見譙夏四月庚寅京師地震詔大將軍公卿校尉
 舉賢良方正能直言極諫者各一人又命列侯將大
 夫御史謁者千石六百石將謂五官左右虎賁羽林
 中郎將也大夫謂光祿大
 夫太中大夫中散
 大夫諫議大夫博士議郎郎官各上封事指陳得
 失博士掌通古今此六百石議郎比六百石郎官
 謂三郎將下之屬官也有中郎侍郎郎中又

詔大將軍公卿郡國舉至孝篤行之士各一人壬辰
 詔州郡不得迫脅驅逐長吏長吏贓滿三十萬而不
 糾舉者刺史二千石以縱避為罪若有擅相假印綬
 者與殺人同弃市論丙午詔郡國繫囚減死罪一等
 勿笞唯謀反大逆不用此書又詔曰比起陵塋作靜
 陵也
 彌歷時歲力役既廣徒隸尤勤頃雨澤不沾密雲復
 散儻或在茲易曰密雲不
 雨自我西郊其令徒作陵者減刑各六
 月是月立阜陵王代兄勃適亭侯便為阜陵王便光
 武玄
孫也阜陵王恢之子以順帝陽嘉中封勃為適亭侯
 今改封也適音子由反本傳作便親紀傳不同蓋有

郡國六地裂水涌井溢續漢志曰水溢壞城寺室屋殺人時梁太后攝政兄

芝草生中黃藏府漢官儀曰中黃藏府掌中幣帛金銀諸貨物也

六月太尉胡廣罷大司農杜喬為太尉秋七月勃海

王鴻薨章帝曾孫也樂安夷王寵之子立弟蠡吾侯

惺為勃海王乙未立皇后梁氏九月丁卯京師地震

大尉杜喬免冬十月司徒趙戒為太尉戒字志伯蜀郡人也司

空袁湯為司徒前太尉胡廣為司空十一月濟陰言

有五色大鳥見于已氏續漢志曰時以為鳳皇政既衰缺梁冀專權皆羽孽也已

氏縣名屬濟陰郡故城在今宋州楚丘縣也古戎州已氏之邑也戊午減天下死罪

一等戍邊清河劉文反殺國相謝暲欲立清河王蒜

為天子事覺伏誅蒜坐貶為尉氏侯徙桂陽自殺尉氏

前太尉李固杜喬皆下獄死續漢志曰順帝之末

陳畱盜京都童謠曰直如弦死道邊曲如鉤反封侯

賊李堅自稱皇帝伏誅東觀記曰江

二年春正月甲子皇帝加元服庚午大赦天下賜河

間勃海二王黃金各百斤河間王建彭城諸國王各

五十斤彭城王定公主大將軍三公特進侯中二千石二

千石將大夫郎吏從官四姓及梁鄧小侯諸大夫以

下帛各有差年八十以上賜米酒肉九十以上加帛

二匹綿三斤三月戊辰帝從皇太后幸大將軍梁冀

府白馬羗寇廣漢屬國殺長吏益州刺史率板楯蠻

討破之板楯西南蠻之號夏四月丙子封帝弟顧為平原王

奉孝崇皇祀尊孝崇皇夫人馬氏為孝崇園貴人嘉

禾生大司農帑藏說文曰帑者金布所藏之府也帑佗朗反五月癸丑北

宮掖廷中德陽殿及左掖門火車駕移幸南宮六月

改清河為甘陵立安平王得子經侯理為甘陵王平安

今定州縣也經今貝州經城縣秋七月京師大水河東言木連理冬

十月長平陳景自號黃帝子署置官屬又南頓管伯

亦稱真人竝圖舉兵悉伏誅

三年春三月甲申彭城王定薨夏四月丁卯晦日有

蝕之續漢志曰在東井二十三度東井主法梁太后枉殺公卿犯天法也五月乙亥詔

曰蓋聞天生蒸民不能相理為之立君使司牧之君

道得於下則休祥著乎上庶事失其序則咎徵見乎

象已上畧成帝詔詞間者日食毀缺陽光晦暗朕祗懼潛思

匪遑啓處遑暇也啓跪也詩小雅曰王事靡盬不遑啓處傳不云乎日食修

德月食修刑公羊傳之文也昔孝章帝愍前世禁徙故建初

之元竝蒙恩澤流徙者使還故郡没入者免為庶民
先皇德政可不務乎其自永建元年迄於今歲凡諸
妖惡支親從坐及吏民減死徙邊者悉歸本郡唯没
入者不從此令六月庚子詔大將軍三公特進侯其
與卿校尉舉賢良方正能直言極諫之士各一人乙

雨肉

卯震憲陵寢屋秋七月庚申廉縣雨肉

續漢志曰肉似羊肺或大

如手五行傳云弃法律逐功臣時則有羊禍時則有赤青赤祥是時梁太后攝政兄冀專權枉誅李固杜喬天下冤之廉縣屬北地郡也八月乙丑有星孛于天布
前書曰旗星中四星名曰天布京師大水九月己卯地震庚寅地又震詔死罪

以下及亡命者贖各有差郡國五山崩冬十月太尉

趙戒免司徒袁湯為太尉大司農河內張歆為司徒

敬讓十一月甲申詔曰朕攝政失中災眚連仍三光

不明陰陽錯序監寐寤歎疾如疾首監寐言雖寢而不寐也寤覺也

今京師廡舍死者相枕廡舍賤役人之舍也郡縣阡陌處處有

之甚違周文掩骼之義其有家屬而貧無以葬者給

直人三千喪主布三匹若無親屬可於官墻地葬之

墻官之餘地也前書音義曰墻城郭旁地音奴喚而變二反表識姓名為設祠祭

又徒在作部疾病致醫藥死亡厚埋藏民有不能自

振及流移者稟穀如科州郡檢察務崇恩施以康我民

和平元年春正月甲子大赦天下改元和平己亥詔

曰曩者遭家不造先帝早世謂順帝崩也詩周頌曰

玄注云造成也言成王永惟大宗之重深思嗣續之

福詢謀台輔稽之兆占既建明哲克定統業天人協

和萬國咸寧元服已加將即委付而四方盜竊頗有

未靜故假延臨政以須安謚幸賴股肱禦侮之助殘

醜消蕩謂建和二年長安陳景反南頓管伯等謀反並伏誅民和年稔普天率

土遐邇洽同遠覽復子明辟之義

尚書曰周公曰朕復子明辟復還也

子謂成王也辟君也謂周公攝政已久故復還明君之政於成王今太后亦還政於帝也近慕先

姑歸授之法先姑謂安帝閻皇后也爾雅曰婦人謂夫之父曰舅夫之母曰姑在則曰君舅

君姑歿則曰先舅先姑也及今令辰皇帝稱制羣公卿士虔恭爾

位戮力一意勉同斷金金者剛之物也言人能同心則其利可以斷之也易曰二人同心其利斷金展也大成則所暨矣

詩小雅曰允矣君子允信也展誠也大成謂致太平也言誠能致太平是所暨也二月扶風妖賊裴優

自稱皇帝伏誅裴姓優名也風俗通曰裴伯益之後甲寅皇太后梁氏

崩三月車駕徙幸北宮甲午葬順烈皇后夏五月庚

辰

辰尊博園區貴人曰孝崇皇后秋七月梓潼山崩

梓潼縣屬廣漢郡今始州縣也有梓潼水冬十一月減天下死罪一等徙邊

戊元嘉元年春正月京師疾疫使光祿大夫將醫藥案

行癸酉大赦天下改元元嘉二月九江廬江大疫甲

午河間王建薨夏四月己丑安平王得薨

河間孝王開之子初京師旱任城梁國饑民相食司徒張歆

罷光祿勳吳雄為司徒秋七月武陵蠻叛冬十月司

空胡廣罷十一月辛巳京師地震閏月庚午任城王

崇薨太常黃瓊為司空

二年春正月西域長史王敬為于寘國所殺

敬殺于寘王建丙辰京師地震夏四月甲寅孝崇皇后區氏

崩庚午常山王豹薨五月辛卯葬孝崇皇后于博陵

秋七月庚辰日有食之八月濟陰言黃龍見句陽

縣屬濟陰郡左傳曰盟于句瀆之丘是也金城言黃龍

見允街

允街縣名屬金城郡音緣皆冬十月乙亥京師地震十一

月司空黃瓊免十二月特進趙戒為司空右北平太

守和曼坐贓下獄歿

後漢書卷之七

後漢書卷之七 桓帝紀
永興元年春二月張掖言白鹿見三月丁亥幸鴻池
夏五月丙申大赦天下改元永興丁酉濟南王廣薨
無子國除秋七月郡國三十二蝗河水溢百姓饑窮
流冗道路至有數十萬戶冀州尤甚詔所在賑給乏
絕安慰居業冬十月太尉袁湯免太常胡廣為太尉
司徒吳雄寵司空趙戒免以太僕黃瓊為司徒光祿
勳房植為司空十一月丁丑詔減天下死罪一等徙
邊戍是歲武陵太守應奉招誘叛蠻降之

二年春正月甲午大赦天下二月辛丑初聽刺史二

千石行三年喪服癸卯京師地震詔公卿校尉舉賢

良方正能直言極諫者各一人詔曰比者星辰繆越

坤靈震動災異之降必不空發救已修政庶望有補

其輿服制度有踰侈長飾者皆宜損省長音直郡縣

務存儉約申明舊令如永平故事六月彭城泗水增

長逆流張衡對策曰水者五行之首逆流者人君之恩不能下及而致逆也詔司隸校

尉部刺史曰蝗災為害水變仍至五穀不登人無宿

儲其令所傷郡國種蕪菁以助人食京師蝗東海胸

山崩胸山名也在今海州胸山縣南九月丁卯朔日有食之詔曰朝

政失中雲漢作旱雲漢詩大雅篇名也周宣王時大旱故作詩曰倬彼雲漢昭回于天

鄭玄注云雲漢天河也倬然轉運於天川靈涌水蝗

蟲孳蔓殘我百穀太陽虧光饑饉荐臻其不被害郡

縣當為饑餒者儲天下一家趣不糜爛則為國寶其

禁郡國不得賣酒祠祀裁足太尉胡廣免司徒黃瓊

為太尉閏月光祿勳尹頌為司徒頌字公孫鞏人減天下死

罪一等徙邊戍蜀郡李伯詐稱宗室當立為太初皇

帝伏誅冬十一月甲辰校獵上林苑遂至函谷關賜

所過道傷年九十以上錢各有差太山琅邪賊公孫

舉等反叛殺長吏

永壽元年春正月戊申大赦天下改元永壽二月司

隸冀州饑人相食司隸州即洛陽敕州郡賑給貧弱若王侯

吏民有積穀者一切貸得十分之三貸音吐得反以又音徒得反

助稟貸其百姓吏民者以見錢雇直雇猶酬也王侯須新

租乃償須待也夏四月白鳥見齊國六月洛水溢壞鴻

德苑續漢志曰水溢至津城門漂流人物時梁冀專政疾害忠良威權震主後遂誅滅也南陽

大水司空房植免太常韓續為司空續音翼善反詔太山

琅邪遇賊者勿收租賦復更筭三年又詔被水死流

失屍骸者令郡縣鉤求收葬及所唐突壓溺物故七

歲以上賜錢人二千壞敗廬舍亾失穀食尤貧者稟

人二斛巴郡益州郡山崩益州郡名也武帝置諸本無郡字者誤也秋七

月初置太山琅邪都尉官漢官儀曰秦郡有尉一人典兵禁捕盜賊景帝更名

都尉建武七年省唯邊郡往往置都尉及屬國都尉今二郡寇賊不息故置南匈奴左臺

且渠伯德等叛寇美稷美稷西河縣也安定屬國都尉張奐

討除之

二年春正月初聽中官得行三年服中官常侍以下二月甲

申東海王臻薨三月蜀郡屬國夷叛秋七月鮮卑寇

雲中太山賊公孫舉等寇青兗徐三州遣中郎將段

熲討破斬之冬十一月置太官右監丞官漢官儀曰太官右監

丞秩北六百石十二月京師地震

三年春正月己未大赦天下夏四月九真蠻夷叛太

守兒式討之戰歿遣九真都尉魏朗擊破之復屯據

日南閏月庚辰晦日有食之六月初以小黃門為守

宮令置冗從右僕射官漢官儀曰守宮令一人黃門冗從僕射一人並秩六百石

京師蝗秋七月河東地裂冬十一月司徒尹頌薨長

沙蠻叛寇益陽縣名屬長沙國在益水之陽今潭州縣也故城在縣東司空韓

續為司徒太常北海孫朗為司空

朗字代平

延熹元年春三月己酉初置鴻德苑令

漢官儀曰苑令一人秩六百石

夏五月己酉大會公卿以下賞賜各有差甲戌晦

日有食之京師蝗六月戊寅大赦天下改元延熹丙

戌分中山置博陵郡以奉孝崇皇園陵

博陵郡故城在今瀛州博

野縣也後徙安平

大雩秋七月己巳雲陽地裂甲子太尉黃

瓊免太常胡廣為太尉冬十月校獵廣成遂幸上林

苑十二月鮮卑寇邊使匈奴中郎將張奐率南單于

擊破之

二年春二月鮮卑寇鴈門己亥阜陵王便薨蜀郡夷

寇蠶陵殺縣令三月復斷刺史二千石行三年喪夏

京師雨水六月鮮卑寇遼東秋七月初造顯陽苑置

丞丙午皇后梁氏崩乙丑葬懿獻皇后于懿陵大將

軍梁冀謀為亂八月丁丑帝御前殿詔司隸校尉張

彪將兵圍冀第收大將軍印綬冀與妻皆自殺衛尉

梁淑河南尹梁胤屯騎校尉梁讓越騎校尉梁忠長

水校尉梁戟等及中外宗親數十人皆伏誅太尉胡

廣坐免司徒韓續司空孫朗下獄

東觀記曰並坐不衛官止長壽亭減

死一等以爵贖之 壬午立皇后鄧氏追廢懿陵為貴人家詔

曰梁冀奸暴濁亂王室孝質皇帝聰敏早茂冀心懷

忌畏私行殺毒永樂太后親尊莫二和平元年有司奏太后所居皆

以永樂為稱置官屬太僕少府焉 冀又遏絕禁還京師謂太后常居博園不得居

陽使朕離母子之愛隔顧復之恩禍害深大罪釁日

滋賴宗廟之靈及中常侍單超徐璜具瑗左悺說文曰憲

憂也音工與反今作心旁 唐衡尚書令尹勲等激憤

建策內外協同漏刻之間桀逆梟夷梟縣首於木也 斯誠社

稷之祐臣下之力宜班慶賞以酬忠勲其封超等五

人為縣侯勲等七人為亭侯五縣侯謂單超新豐侯

陽侯左悺上蔡侯唐衡汝陽侯七亭侯謂尹勲宜陽

李瑋宜陽金門虞放寬句 於是舊感恩私多受封爵

大司農黃瓊為太尉光祿大夫中山祝恬為司徒恬字

伯休盧 大鴻臚梁國盛允為司空允字伯代 初置祕書監

官漢官儀祕書監一人秩六百石 冬十月壬申行幸長安乙酉幸未

央宮甲午祠高廟十一月庚子遂有事十一陵壬寅

中常侍單超為車騎將軍十二月己巳至自長安賜

長安民粟人十斛園陵人五斛行所過縣三斛燒當

改官

等八種羗叛寇隴右護羗校尉段熲追擊於羅亭破

之東觀記曰追到積石山即與羅亭相近今鄯州天竺國來獻

三年春正月丙申大赦天下丙午車騎將軍單超薨

閏月燒當羗叛寇張掖護羗校尉段熲追擊於積石

大破之積石山在今鄯州龍支縣南即禹貢云導河積石是也白馬令李雲坐

直諫下獄歿夏四月上郡言甘露降五月甲戌漢中

山崩六月辛丑司徒祝恬薨七月司空盛允為司徒

太常虞放為司空放字子仲陳留人也長沙蠻寇郡界九月太

山琅邪賊勞丙等復叛寇掠百姓遣御史中丞趙某

史闕名持節督州郡討之丁亥詔無事之官權絕奉豐

年如故冬十一月日南蠻賊率眾詣郡降勒姐羗圍

允街勒姐羗號也姐音子野反段熲擊破之太山賊叔孫無忌攻

殺都尉侯章十二月遣中郎將宗資討破之武陵蠻

寇江陵車騎將軍馮緄討皆降散荊州刺史度尚討

長沙蠻平之

四年春正月辛酉南宮嘉德殿火戊子丙署火丙署署名

也續漢志曰丙署長七人秩四百石黃綬宦者為之主中宮別處大疫二月壬辰武

庫火司徒盛允免大司農种暲為司徒三月省冗從

右僕射官永壽三年置太尉黃瓊免夏四月太常劉矩為

太尉甲寅封河間王開子博為任城王五月辛酉有

星孛于心丁卯原陵長壽門火巳卯京師雨雹東觀記曰

大如雞子續漢志曰六月京兆扶風及涼州地震庚

子岱山及博尤來山竝頽裂博今博城縣也太山有徂來山一名尤來巳

酉大赦天下司空虞放免前太尉黃瓊為司空掾為

屬國夷寇鈔百姓益州刺史山昱擊破之零吾羗與

先零諸種竝叛寇三輔秋七月京師雩減公卿以下

奉貸王侯半租占賣關內侯虎賁羽林緹騎營士五

賣官

大夫錢各有差九月司空黃瓊免大鴻臚劉寵為司

空冬十月天竺二國來獻南陽黃武與襄城惠得昆陽

樂季妖言相署皆伏誅先零沈氏羗與諸種羗寇并

涼二州十一月中郎將皇甫規擊破之十二月夫餘

王遣使來獻

五年春正月省大官右監丞永壽三年置壬午南宮丙署

火三月沈氏羗寇張掖酒泉壬午濟北王次薨夏四

月長沙賊起寇桂陽蒼梧東觀記曰時攻沒蒼梧取銅虎符太守甘定刺史侯

輔各奔出城桂陽郡在驚馬逸象突入宮殿乙丑恭

桂水之陽今連州縣

五

陵東闕火安帝陵也戊辰虎賁掖門火己巳太學西門自

壞五月康陵園寢火殤帝陵也長沙零陵賊起攻桂陽蒼

梧南海交阯遣御史中丞盛修督州郡討之不剋乙

亥京師地震詔公卿各上封事甲申中藏府丞祿署

火秋七月己未南宮承善闈火爾雅曰宮中門謂之闈廣雅曰闈謂之闈

烏吾羗寇漢陽隴西金城諸郡兵討破之八月庚子

詔減虎賁羽林住寺不任事者半奉勿與冬衣東觀記曰

以京師水旱疫疠帑藏空虛虎賁羽林不任事者住寺減半奉據此謂簡選疲弱不勝軍事者留住住寺也

兵公卿以下給冬衣之半艾縣賊焚燒長沙郡縣寇

益陽殺令東觀記曰時賊乘刺史車屯據臨湘居大屬豫章郡故城在今洪州建昌縣又零陵蠻亦叛寇長沙己卯罷琅

邪都尉官永壽元年置冬十月武陵蠻叛寇江陵南郡太

守李肅坐奔北弃市辛丑以太常馮緄為車騎將軍

討之假公卿以下奉又換王侯租以助軍糧出濯龍

中藏錢還之十一月馮緄大破叛蠻於武陵京兆虎

身都尉宗謙坐賊下獄死京兆虎身都尉屯長安見西羗傳滇那羗

寇武威張掖酒泉太尉劉矩免太常楊秉為太尉

六年春二月戊午司徒种暠薨三月戊戌大赦天下

衛尉賴川許栩為司徒

栩字季闕偃人

夏四月辛亥康陵東

署火五月鮮卑寇遼東屬國秋七月甲申平陵園寢

火

平陵昭帝陵也

桂陽盜賊李研等寇郡界武陵蠻復叛太

守陳奉與戰大破降之隴西太守孫羗討滇那羗破

之八月車騎將軍馮緄免冬十月丙辰校獵廣成遂

幸函谷關上林苑十一月司空劉寵免南海賊寇郡

界十二月衛尉周景為司空

七年春正月庚寅沛王榮薨三月癸亥隕石于鄠夏

四月丙寅梁王成薨五月己丑京師雨雹秋七月辛

卯趙王乾薨野王山上有死龍荊州刺史度尚擊零

陵桂陽盜賊及蠻夷大破平之冬十月壬寅南巡狩

庚申幸章陵祠舊宅遂有事于園廟賜守令以下各

有差戊辰幸雲夢臨漢水還幸新野祠湖陽新野公

主魯哀王壽張敬侯廟

光武姊湖陽長公主新野長公主兄魯哀王舅壽張敬侯

丑車駕還宮

八年春正月遣中常侍左悺之苦縣祠老子

史記曰老子者楚苦縣厲鄉曲仁里人也名耳字聃姓李氏為周守

藏吏有神廟故就祠之苦縣屬陳國故城在今亳州

谷陽縣苦音戶又如字

勃海王惲謀反降為瘿陶王

瘿陶縣屬鉅鹿郡故

城在今趙州瘿陶縣西南

丙申晦日有食之詔公卿校尉舉賢良

方正已西南宮嘉德署黃龍見千秋萬歲殿火太僕

左稱有臯自殺癸亥皇后鄧氏廢河南尹鄧萬世

之叔

虎賁中郎將鄧會下獄死

鄧后之兄子

護羗校尉段

熲擊勒姐羗破之三月辛巳大赦天下夏四月甲寅

安陵園復火

惠帝陵也

丁巳壞郡國諸房祀

房謂祠堂也王渙傳曰時

唯密縣存故太傅卓茂廟洛陽留令王渙祠

齊陰東郡濟北河水清五月

壬申罷太山都尉官

永壽元年

丙戌太尉楊秉薨丙辰

緱氏地裂桂陽胡蘭朱蓋等復反攻沒郡縣轉寇零

陵零陵太守陳球拒之遣中郎將度尚長沙太守抗

徐等擊蘭蓋大破斬之

謝承書曰抗徐字伯徐丹陽人少為郡佐史有膽智策畧

三府表徐有將率之任特遷長沙太守風俗通曰衛大夫三抗之後漢有抗喜為漢中太守 蒼梧

太守張敘為賊所執又桂陽太守任胤背敵畏懦皆

弃市閏月甲午南宮長秋和歡殿後鈎楯掖庭朔平

署火

長秋宮名漢官儀曰朔平署司馬一人

六月段熲擊當煎羗於湟

中大破之

湟水名在今鄯州湟水縣

秋七月太中大夫陳蕃為太

尉八月戊辰初令郡國有田者畝斂稅錢

畝十錢也 九月

丁未京師地震冬十月司空周景免太常劉茂為司

空茂字叔盛彭城人辛巳立貴人竇氏為皇后勃海妖賊蓋

登等蓋音古盍反稱太上皇帝有玉印珪璧鐵券相署置

皆伏誅續漢書曰時登等有玉印五皆如白石文曰皇帝信璽皇帝行璽其三無文字璧二十二

珪五鐵券十一開王廟帶玉綬衣絳衣相署置也十一月壬子德陽殿西閣

黃門北寺火延及廣義神虎門燒殺人廣義神虎洛陽宮西門也

在金商門外表山松書曰是時連月火災諸宮寺或一日三發又夜有訛言擊鼓相驚陳蕃等上疏諫曰

唯善政可以已之書奏不省使中常侍管霸之苦縣祠老子

九年春正月辛亥朔日有食之詔公卿校尉郡國舉

至孝沛國戴異得黃金印無文字遂與廣陵人龍尚

等共祭并作符書稱太上皇伏誅東觀記曰戴異鈕田得金印到廣陵

以與龍尚已酉詔曰比歲不登人多饑窮又有水旱疾疫

之困盜賊徵發南州尤甚謂長沙桂陽零陵等郡並屬荆州災異日

食譴告累至政亂在予仍獲咎徵其令大司農絕今

歲調度徵求及前年所調未畢者勿復收責其災旱

盜賊之郡勿收租餘郡悉半入三月癸巳京師有火

光轉行人相驚譟司隸豫州饑歿者什四五至有滅

戶者遣三府掾賑稟之陳畱太守韋毅坐贓自殺夏

四月濟陰東郡濟北平原河水清司徒許栩免五月太常胡廣為司徒六月南匈奴及烏桓鮮卑寇緣邊九郡秋七月沈氏羗寇武威張掖詔舉武猛三公各二人卿校尉各一人太尉陳蕃免庚午祠黃老於濯龍宮遣使匈奴中郎將張奐擊南匈奴烏桓鮮卑九月光祿勳周景為太尉南陽太守成瑨太原太守劉質竝以譖弃市時小黃門趙津犯法質考殺之宦官怨恚有司承旨奏質等司空劉茂免大秦國王遣使奉獻特國王安敦獻象牙犀角玳瑁冬十二月洛城傷竹柏枯傷光祿勳汝南宣酆為司空酆字伯應

安敦

黨人

封東陽亭侯南匈奴烏桓率眾詣張奐降司隸校尉李膺等二百餘人受誣為黨人竝坐下獄書名王府河內告之事具劉淑傳永康元年春正月先零羗寇三輔中郎將張奐破平之當煎羗寇武威護羗校尉段熲追擊於鸞鳥大破之鸞鳥縣名屬武威郡鸞音崔西羗悉平夫餘王寇玄菟太守公孫域與戰破之夏四月先零羗寇三輔五月丙申京師及上黨地裂廬江賊起寇郡界壬子晦日有食之詔公卿校尉舉賢良方正六月庚申大赦天下悉除

黨錮改元永康時李膺等頗引宦者子弟宦官多懼請帝以天時當赦帝許之故除黨錮

也丙寅阜陵王統薨秋八月魏郡言嘉禾生甘露降

巴郡言黃龍見續漢志曰時人欲就沱浴見沱水濁因相戲恐此中有黃龍語遂行人間

郡欲以為美故上言之時史以書帝紀桓帝政化衰缺而多言瑞應皆此類也先儒言瑞興非時則為妖孽而人言生

六州大水勃海海溢詔州郡溺歿者七

歲以上錢人二千一家皆被害者悉為收斂其亡失

穀食粟人三斛冬十月先零羗寇三輔使匈奴中郎

將張奐擊破之十一月西河言白兔見十二月壬申

復癭陶王悝為勃海王丁丑帝崩于德陽前殿年三

十六戊寅尊皇后曰皇太后太后臨朝是歲復博陵

河間二郡比豐沛

論曰前史稱桓帝好音樂善琴笙前史謂東觀記飾芳林而

考濯龍之宮薛綜注東京賦云濯龍殿名芳林謂兩旁樹木蘭也考成也既成而祭之左傳

設華蓋以祠浮圖老子浮圖今佛也續漢志曰祀老子於濯

斯將所謂聽於神乎左傳曰設華蓋之坐用郊天樂

及誅梁冀奮威怒天下猶企其休

息而五邪嗣虐流行四方五邪謂單超徐璜左傳唐衡具瑗也自非忠

賢力爭屢折姦鋒忠賢謂李膺陳蕃竇武黃瓊朱穆劉淑劉陶等各上書極諫以折宦

官等姦謀之鋒也雖願依斟流彘亦不可得已帝王紀曰夏帝相為羿所

逐相乃都商丘依同姓諸侯斟灌斟尋氏史記曰周厲王好利暴虐周人相與畔而襲厲王王出奔于彘

言帝寵幸宦豎令執威權賴忠臣李膺等竭力諫爭以免篡弑之禍不然則雖願如夏相依斟周王流彘

不可得也斟灌斟尋國故城在今青州彘晉地也

贊曰桓自宗支越躋天祿

越謂非次也躋升也天祿天位也左傳于家羈曰天

再祿不政移五倖刑淫三獄倖佞也淫濫也五倖即上

李雲杜衆成瑁劉質也傾宮雖積皇身靡續帝王紀曰紂多發美女以充傾宮之

室婦人衣綾紈者三百餘人據桓帝納三皇后又博採宮女五六千人並無子也

後漢書卷之七

後漢書卷之八

靈帝紀第八

孝靈皇帝諱宏

謚法曰亂而不損曰靈伏肅宗玄孫

也會祖河間孝王開祖淑父萇世封解瀆亭侯

淑以河間

王子封為解瀆亭侯萇襲父封故言世帝襲侯爵母

董夫人桓帝崩無子皇太后與父城門校尉竇武定

策禁中使守光祿大夫劉儵持節將左右羽林至河

間奉迎

續漢志曰桓帝之初京都童謠曰城上烏尾畢逋公為吏子為徒一徒歿百乘車車班班

入河間河間妃女工數錢以錢為室金為堂石上慊慊春黃梁梁下有懸鼓我欲擊之丞卿怒城上烏者

處高獨食不與下共謂人主多聚斂也公為吏子為徒者言蠻夷叛逆父既為軍吏子弟又為卒徒往擊之也一徒死百乘車者言前一人討胡既死矣後又遣百乘車往也車班班者言乘輿班班入河間迎靈帝也妃女數錢言帝既立其母永樂太后好聚金以為堂室也石上慊慊者言太后雖積金錢猶慊慊常若不足使人春黃梁而食之也我欲擊之者言太后教帝使賣官受錢天下忠篤之士怨望欲擊鼓求見卿懸鼓者復怒而止我也

建寧元年春正月壬午城門校尉竇武為大將軍已

亥帝到夏門亭東觀記曰到夏門外萬壽亭羣臣謁見使竇武持節以

王青蓋車迎入殿中庚子即皇帝位年十二改元建

寧以前太尉陳蕃為太傅與竇武及司徒胡廣叅錄

尚書事使護羌校尉段熲討先零羌二月辛酉葬孝

桓皇帝于宣陵在洛陽東南三十里高十二丈周二百步廟曰威宗庚午

謁高廟辛未謁世祖廟大赦天下賜民爵及帛各有

差段熲大破先零羌於逢義山山在今原州高平縣逢一作途閏月

甲午追尊皇祖為孝元皇夫人夏氏為孝元皇后考

為孝仁皇夫人董氏為慎園貴人慎園在今瀛州樂壽縣東南俗呼為

二白皇陵夏四月戊辰太尉周景薨司空宣豐免長樂衛

尉王暢為司空五月丁未朔日有食之詔公卿以下

各上封事及郡國守相舉有道之士各一人又故刺

後漢書卷八 靈帝紀

史二千石清高有遺惠為眾所歸者皆詣公車太中

大夫劉矩為太尉六月京師雨水秋七月破羗將軍

段熲復破先零羗於涇陽涇陽縣名屬安定故城在原州京縣南也八月

司空王暢免宗正劉寵為司空九月丁亥中常侍曹

節矯詔誅太傅陳蕃大將軍竇武及尚書令尹勲侍

中劉瑜屯騎校尉馮述皆夷其族皇太后遷于南宮

太后與竇武密謀欲誅曹節今武等既誅故太后被遷司徒胡廣為太傅錄尚

書事司空劉寵為司徒大鴻臚許栩為司空冬十月

甲辰晦日有食之令天下繫囚罪未決入縑贖各有

差十一月太尉劉矩免太僕沛國聞人襲為太尉姓

人名襲字定卿風俗通曰少正卯魯之聞人其後氏焉十二月鮮卑及濊貊寇

幽并二州

二年春正月丁丑大赦天下三月乙巳尊慎園董貴

人為孝仁皇后續漢志曰置永樂宮儀如桓帝尊區貴人之禮夏四月癸巳

大風雨雹詔公卿以下各上封事五月太尉聞人襲

罷司空許栩免六月司徒劉寵為太尉太常許訓為

司徒訓字季師平輿人太僕長沙劉翬為司空翬字重寧秋七月

破羗將軍段熲大破先零羗於射虎塞外谷東羗悉

後漢書卷八十一 靈帝紀

平九月江夏蠻叛州郡討平之丹陽山越賊圍太守
 陳夤夤擊破之冬十月丁亥中常侍侯覽諷有司奏
 前司空虞放太僕杜密長樂少府李膺司隸校尉朱
 瑀潁川太守巴肅沛相荀翌河內太守魏朗山陽太
 守翟超皆為鉤黨下獄鉤謂相牽引也事見劉淑李膺傳死者百餘
 人妻子徙邊諸附從者錮及五屬五屬謂五服內親也制詔州
 郡大舉鉤黨於是天下豪傑及儒學行義者一切結
 為黨人續漢志曰建寧中京都長者皆以葦方笥為
 人禁錮會赦有疑者皆讞廷尉人名悉入方笥中庚子晦日有食之十一月

太尉劉寵免太僕郭禧為太尉字公房扶溝人禧音僖鮮卑寇

并州是歲長樂太僕曹節為車騎將軍百餘日罷

三年春正月河內人婦食夫河南人夫食婦三月丙

寅晦日有食之夏四月太尉郭禧罷太中大夫聞人

襲為太尉秋七月司空劉翬罷八月大鴻臚橋玄為

司空九月執金吾董寵下獄冬濟南賊起攻東平

陵東平陵縣名屬濟南郡故城在今濟州東鬱林烏滄民相率內屬烏滄南方

夷號也廣州記曰其俗食人以鼻飲水口中進噉如故

四年春正月甲子帝加元服大赦天下賜公卿以下

各有差唯黨人不赦二月癸卯地震海水溢河水清

三月辛酉朔日有食之太尉聞人襲免太僕李咸為

太尉字元卓汝南西平人詔公卿至六百石各上封事大疫使

中謁者巡行致醫藥司徒許訓免司空橋玄為司徒

夏四月太常來豔為司空豔字季德南陽新野人五月河東地

裂兩雹山水暴出秋七月司空來豔免癸丑立貴人

宋氏為皇后執金吾宋鄧女前年入掖庭為貴人司徒橋玄免太常宗

俱為司空俱字伯儷南陽安定人前司空許栩為司徒冬鮮卑

寇并州

熹平元年春三月壬戌太傅胡廣薨夏五月己巳大

赦天下改元熹平長樂太僕侯覽有罪自殺六月京

師雨水癸巳皇太后竇氏崩秋七月甲寅葬桓思皇

后宦官諷司隸校尉段熲捕繫太學諸生千餘人時

人書朱雀闕云天下大亂公卿皆尸祿故捕之事見宦官傳冬十月勃海王悝被

誣謀反丁亥悝及妻子皆自殺十一月會稽人許生

自稱越王寇郡縣東觀記曰會稽許昭聚眾自稱大將軍立父生為越王攻破郡縣

遣揚州刺史臧旻丹陽太守陳夤討破之十二月司

徒許栩罷大鴻臚袁隗為司徒鮮卑寇并州是歲甘

陵王恢薨

二年春正月大疫使使者巡行致醫藥丁丑司空宗俱薨二月壬午大赦天下以光祿勳楊賜為司空三月太尉李咸免夏五月以司隸校尉段熲為太尉沛

相師遷坐誣罔國王下獄死

國王陳愨王寵也臣賢案陳敬王傳云國相師

遷又東觀記曰陳行相師遷奏沛相魏愔前為陳相與陳王寵交通明魏愔為沛相此言師遷為沛相蓋誤也六月北海地震東萊北海海水溢

續漢志曰時出大魚二枚各長八九丈高二丈餘

秋七月司空楊賜免太常潁川唐珍為司

空冬十二月日南徼外國重譯貢獻太尉段熲罷鮮

卑寇幽并二州癸酉晦日有食之

三年春正月夫餘國遣使貢獻二月己巳大赦天下

太常陳耽為太尉

耽字漢公東海人

三月中山王暢薨無子

國除夏六月封河間王利子康為濟南王奉孝仁皇

祀秋洛水溢冬十月癸丑令天下繫囚罪未決入縲

贖十一月揚州刺史臧旻率丹陽太守陳寅大破許

生於會稽斬之任城王博薨十二月鮮卑寇北地北

地太守夏育追擊破之鮮卑又寇并州司空唐珍罷

永樂少府許訓為司空

四年春三月詔諸儒正五經文字刻石立于太學門

外封河間王建孫佗為任城王建桓帝弟也夏四月郡國

七大水五月丁卯大赦天下延陵園災成帝陵也在今武陽縣西

遣使者持節告祠延陵鮮卑寇幽州六月弘農三輔

螟遣守宮令之鹽監穿渠為民興利前漢地理志及續漢郡國志並無鹽監今蒲州安邑縣西南有鹽城。劉放曰注鹽

城當作鹽池耳及無鹽字下當有一監字說文監字訓為鹽池然則注家案地志求監所在則無之令郡

二漢志不謂池為監也而據今所見則有池云

國遇灾者減田租之半其傷害什四以上勿收責冬

十月丁巳令天下繫囚罪未決入縑贖拜冲帝母虞

美人為憲園貴人順帝虞美人也憲園在洛陽東北質帝母陳夫人

為渤海孝王妃渤海孝王鴻之夫人也改平準為中準漢官儀曰平準

令一人秩六百石使宦官為令列於內署自是諸署悉以閹

人為丞令

五年夏四月癸亥大赦天下益州郡夷叛太守李顯

討平之復崇高山名為嵩高山前書武帝祠中嶽改嵩高為崇高東觀記

曰使中郎將堂谿典請雨因上言改之名為嵩高山大雩使侍御史行詔獄亭

部理冤枉原輕繫休囚徒五月太尉陳耽罷司空許

訓為太尉閏月永昌太守曹鸞坐訟黨人弃市訟謂申理

也其言切直帝怒檻車送槐里獄掠殺之也

詔黨人門生故吏父兄弟

在位者皆免官禁錮六月壬戌太常南陽劉逸

字大迥安

衆人為司空秋七月太尉許訓罷光祿勳劉寬為太尉

冬十月壬午御殿後槐樹自拔倒豎司徒袁隗罷十

一月丙戌光祿大夫楊賜為司徒十二月甘陵王定

薨試太學生年六十以上百餘人除郎中太子舍人

至王家郎郡國文學吏

漢官儀曰太子舍人王家郎中並秩二百石無員是

歲鮮卑寇幽州沛國言黃龍見譙

六年春正月辛巳大赦天下二月南宮平城門及武

庫東垣屋自壞

平城門洛陽城南門也蔡邕曰平城門正陽之門與宮連郊祀法駕所從

出門之最尊者武庫禁兵所藏東垣庫之外障易傳曰小人在位厥妖城門自壞

夏四月大

旱七州蝗鮮卑寇三邊

謂東西與北邊

市賈民為宣陵孝子

者數十人皆除太子舍人秋七月司空劉逸免衛尉

陳球為司空八月遣破鮮卑中郎將田晏出雲中使

匈奴中郎將臧旻與南單于出鴈門護烏桓校尉夏

育出高柳竝伐鮮卑晏等大敗冬十月癸丑朔日有

食之太尉劉寬免帝臨辟雍辛丑京師地震辛亥令

天下繫囚罪未決入縑贖十一月司空陳球免十二

月甲寅太常河南孟馹為太尉馹字叔達音乙六反庚辰司徒

楊賜免太常陳耽為司空鮮卑寇遼西永安太僕王

旻下獄歿永安宮之太僕也

光和元年春正月合浦交阯烏潯蠻叛招引九真日

南民攻沒郡縣太尉孟馹罷二月辛亥朔日有食之

癸丑光祿勳陳國袁滂為司徒滂字公喜己未地震始置

鴻都門學生鴻都門名也於內置學時其中諸生皆書鳥篆者相課試至千人焉三月辛丑大赦天下改元光和太常

常山張顥為太尉顥字智明搜神記曰顥為梁相新兩後有鵠飛翔近地令人擿之墮

雌雞化為雉司空陳耽免太常來豔為司空五月壬

午有白衣人入德陽殿門去不獲東觀記曰白衣人言梁伯夏教

庭中東觀記曰墮所御溫明殿庭中如車蓋隆起奮迅五色有頭體長十餘丈形貌似龍秋七

月壬子青虹見御坐玉堂後殿庭中洛陽宮殿名南宮有玉堂前後

罷太常陳球為太尉司空來豔薨冬十月屯騎校尉

袁逢為司空皇后宋氏廢后父執金吾酆下獄歿丙

地化為圓石顥命推破得一金印文曰忠孝侯印

夏四月丙辰地震侍中寺

我上殿與中黃門桓賢語因忽不見

六月丁丑有黑氣墮所御溫德殿

殿據楊賜傳云

八月有星孛于天市九月太尉張顥

洛陽宮殿名南宮有玉堂前後

後漢書卷八

子晦日有食之十一月太尉陳球免十二月丁巳光

祿大夫橋玄為太尉是歲鮮卑寇酒泉京師馬生人

京房易傳曰諸侯相伐厥妖馬生人初開西邸賣官自關內侯虎賁羽

林入錢各有差山陽公載記曰時賣官二千石二千

半之或三分之一於西園立庫以貯之私令左右賣公卿公千萬卿五

百萬

二年春大疫使常侍中謁者巡行致醫藥三月司徒

袁滂免大鴻臚劉郃為司徒郃字季承乙丑太尉橋玄罷

太中大夫段熲為太尉京兆地震司空袁逢罷太常

張濟為司空濟字元江細陽人夏四月甲戌朔日有食之辛

巳中常侍王甫及太尉段熲竝下獄歿丁酉大赦天

下諸黨人禁錮小功以下皆除之時上祿長和等上言黨人錮及五族

有乖典訓帝從之東平王端薨五月衛尉劉寬為太尉秋七

月使匈奴中郎將張脩有罪下獄歿時張脩擅斬單于呼微更立羗

渠為單于故坐歿冬十月甲申司徒劉郃永樂少府陳球衛

尉陽球步兵校尉劉納謀誅宦官事泄皆下獄歿巴

郡板楯蠻叛遣御史中丞蕭瑗督益州刺史討之不

尅十二月光祿勳楊賜為司徒鮮卑寇幽并二州是

歲河間王利薨洛陽女子生兒兩頭四臂

京房易傳曰二首下

不一也厥妖人生兩頭

三年春正月癸酉大赦天下二月公府駐駕廡自壞

公府三公府也駐駕停車處也廡廊屋也音無禹反續漢志云南北四十餘間壞

三月梁王

元薨夏四月江夏蠻叛六月詔公卿舉能通尚書毛

詩左氏穀梁春秋各一人悉除議郎秋表是地震涌

水出

表是縣屬酒泉郡故城在今甘州張掖縣西北

八月令繫囚罪未決入

縑贖各有差冬閏月有星孛于狼弧

二星名

鮮卑寇幽

并二州十二月己巳立貴人何氏為皇后

南陽宛人也車騎將

軍何貢女也

是歲作畢圭靈昆苑

畢圭苑有二東畢圭苑周一千五百步中有魚

梁臺西畢圭苑周三千三百步並在洛陽宣平門外也

四年春正月初置駮驥廐丞領受郡國調馬

駮驥善馬也調

謂徵發也

豪右辜摧馬一匹至二百萬

前書音義曰辜障也摧專也謂障餘

人賣買而自取其利

二月郡國上芝英草夏四月庚子大赦天

下交阯刺史朱儁討交阯合浦烏滄蠻破之六月庚

辰雨雹

續漢書曰雹大如雞子

秋七月河南言鳳皇見新城羣

鳥隨之賜新城令及三老力田帛各有差九月庚寅

朔日有食之太尉劉寬免衛尉許馘為太尉閏月辛

西北宮東掖庭永巷署災

永巷宮中署名也漢官儀曰令一人宦官為之秩六百石掌宮婢侍使○劉敞曰注侍使案使當作史即給尚書郎侍史之類

十月太常陳耽為司徒鮮卑寇幽并二州是歲帝作

列肆於後宮使諸采女販賣更相盜竊爭鬪帝著商

估服飲宴為樂又於西園弄狗著進賢冠帶綬

三禮圖曰

進賢冠文官服之前高七寸後高三寸長八寸續漢志曰靈帝寵用便嬖子弟轉相汲引賣關內侯直五百萬令長強者貪如豺狼弱者畧不類物實狗而冠也昌邑王見狗冠方山冠龔遂曰王之左右皆狗而

冠又駕四驢帝躬自操轡驅馳周旋京師轉相放效

續漢志曰驢者乃服重致遠上下山谷野人之所用耳何有帝王君子而驂駕之乎天意若曰國且大亂

賢愚倒植凡執政者皆如驢也

五年春正月辛未大赦天下二月大疫三月司徒陳

耽免夏四月旱太常表隗為司徒五月庚申永樂宮

署災

續漢志曰德陽前殿西北入門內永樂太后宮署災

秋七月有星孛于太

微巴郡板楯蠻詣太守曹謙降癸酉令繫囚臯未決

入縑贖八月起四百尺觀於阿亭道冬十月太尉許

馡罷太常楊賜為太尉校獵上林苑歷函谷關遂巡

狩于廣成苑十二月還幸太學

六年春正月日南徼外國重譯貢獻二月復長陵縣

比豐沛三月辛未大赦天下夏大旱秋金城河水溢
五原山岸崩始置圍囿署以宦者為令冬東海東萊
琅邪井中冰厚尺餘大有年

中平元年春二月鉅鹿人張角自稱黃天其部師有

三十六萬皆著黃巾同日反叛續漢書曰三十六萬餘人安平甘

陵人各執其王以應之安平王續三月戊申以河南

尹何進為大將軍將兵屯都亭置入關都尉官都亭在洛

陽八關謂函谷廣城伊闕大壬子大赦天下黨人還

谷輟轅旋門小平津孟津也諸徙者時中常侍呂彊言於帝曰黨錮久積若唯張

角不赦詔公卿出馬弩舉列將子孫及吏民有明戰

陣之畧者詣公車遣北中郎將盧植討張角左中郎

將皇甫嵩右中郎將朱儁討潁川黃巾庚子南陽黃

巾張曼成攻殺郡守褚貢夏四月太尉楊賜免太僕

弘農鄧盛為太尉盛字伯能司空張濟罷大司農張溫為

司空朱儁為黃巾波才所敗侍中向栩張鈞坐言宦

者下獄時鈞上書曰今斬常侍懸其首於南郊以謝天下即兵自消也帝以章示常侍故下

汝南黃巾敗太守趙謙於邵陵邵陵縣名屬汝南郡故城在今豫州

縣東廣陽黃巾殺幽州刺史郭勲及太守劉衛五月

皇甫嵩朱雋復與波才等戰於長社大破之

長社今許州縣

故城在長葛縣西

六月南陽太守秦頡擊張曼成斬之交阯

屯兵執刺史及合浦太守來達自稱柱天將軍遣交

阯刺史賈琮討平之皇甫嵩朱雋大破汝南黃巾於

西華

西華縣屬汝南郡故城在今陳州項城縣西

詔嵩討東郡朱雋討南

陽盧植破黃巾圍張角於廣宗宦官誣植抵罪

植連破張

角垂當拔之小黃門左豐言於帝曰盧中郎固遣中

郎將董卓攻張角不剋洛陽女子生兒兩頭共身

續漢

志曰上西門外女子生兒兩頭異肩共臂也為不祥墮地弃之其後政在私門上下無別兩頭之象秋

七月巴郡妖巫張脩反寇郡縣

劉艾紀曰時巴郡巫人張脩療病愈者屢

以五斗米號為五斗米師

河南尹徐灌下獄歿八月皇甫嵩與黃

巾戰於倉亭獲其帥

其帥十已也倉亭在東郡

乙巳詔皇甫嵩北

討張角九月安平王續有罪誅國除冬十月皇甫嵩

與黃巾賊戰于廣宗獲張角弟梁角先歿乃戮其屍

發棺斷頭傳送馬市

以皇甫嵩為左車騎將軍十一月皇甫嵩

又破黃巾于下曲陽斬張角弟寶湟中義從胡北宮

伯玉與先零羗叛以金城人邊章韓遂為軍帥攻殺

護羗校尉伶徵金城太守陳懿

伶姓也周有大夫伶州鳩

癸巳朱

儁拔宛城斬黃巾別帥孫夏詔減太官珍羞御食一

肉廐馬非郊祭之用悉出給軍十二月己巳大赦天

下改元中平是歲下邳王意薨無子國除郡國生異

草備龍蛇鳥獸之形風俗通曰亦作人狀操持兵弩

其狀毛羽頭目足翅皆具是歲黃巾賊起漢遂微弱

二年春正月大疫琅邪王據薨二月己酉南宮大災

火半月乃滅續漢志曰時燒靈臺殿樂成殿延己亥

廣陽門外屋自壞洛陽城西面南頭門也稅天下田畝十錢以修

黑山賊張牛角等十餘輩竝起所在寇鈔司徒袁

隗免三月廷尉崔烈為司徒北宮伯玉等寇三輔遣

左車騎將軍皇甫嵩討之不剋夏四月庚戌大風雨

雹五月太尉鄧盛罷太僕河南張延為太尉延字公威歆之

秋七月三輔螟左車騎將軍皇甫嵩免八月以司

空張溫為車騎將軍討北宮伯玉九月特進楊賜為

司空冬十月庚寅司空楊賜薨光祿大夫許相為司

空相字公弼平輿人許訓之子前司徒陳耽諫議大夫劉陶坐直

言下獄歿十一月張溫破北宮伯玉於美陽因遣盪

寇將軍周慎追擊之圍榆中縣名故城在今蘭州金城縣東又遣中

郎將董卓討先零羗慎卓竝不剋鮮卑寇幽并二州
是歲造萬金堂於西園洛陽民生兒兩頭四臂

三年春二月江夏兵趙慈反殺南陽太守秦頡庚戌

大赦天下太尉張延罷車騎將軍張溫為太尉中常

侍趙忠為車騎將軍復修玉堂殿鑄銅人四黃鐘四

其音中黃鐘及天祿蝦蟆又鑄四出文錢天祿獸也時使掖廷

也子為黃鐘今鄧州南陽縣北有宗資碑旁有兩石獸鑄其膊一

曰天祿一曰辟邪據此即天祿辟邪並獸名也漢有

天祿閣亦因五月壬辰晦日有食之六月荊州刺史

王敏討趙慈斬之車騎將軍趙忠罷秋八月懷陵上

有雀萬數悲鳴因鬪相殺懷陵冲帝陵也續漢志曰天戒若曰諸懷爵祿而尊

厚者還自相害也冬十月武陵蠻叛寇郡界郡兵討破之前

太尉張延為宦人所譖下獄死十二月鮮卑寇幽并

二州

四年春正月己卯大赦天下二月滎陽賊殺中牟令

愚自壞前書音義曰不思連三月河南尹何苗討滎

陽賊破之拜苗為車騎將軍夏四月涼州刺史耿鄙

後漢書卷八

靈帝紀

大風太尉樊陵罷益州黃巾馬相攻殺刺史郝儉自

稱天子又寇巴郡殺郡守趙部益州從事賈龍擊相

斬之郡國七大水秋七月射聲校尉馬日磾為太尉

八月初置西園八校尉樂資山陽公載記曰小黃門

將表紹為中軍校尉屯騎校尉鮑鴻為下軍校尉議

郎曹操為典軍校尉趙融為助軍左校尉馮芳為助

軍右校尉諫議大夫夏牟為左校尉淳于瓊為右校尉凡八校尉皆統於蹇碩司徒許相罷

司空丁宮為司徒光祿勳南陽劉弘為司空字子高安衆人

衛尉董重為驃騎將軍九月南單于叛與白波賊寇

河東遣中郎將孟益率騎都尉公孫瓚討漁陽賊張

純等冬十月壬午御殿後槐樹自拔倒豎青徐黃巾

復起寇郡縣甲子帝自稱無上將軍耀兵於平樂觀

平樂觀在洛陽城西十一月涼州賊王國圍陳倉右將軍皇甫

嵩救之遣下軍校尉鮑鴻討葛陂黃巾巴郡板楯蠻

叛遣上軍別部司馬趙瑾討平之公孫瓚與張純戰

於石門大破之時烏桓反叛與賊張純等攻薊中故瓚追擊之石門山名在今營州西南

是歲改刺史新置牧

六年春二月左將軍皇甫嵩大破王國於陳倉三月

幽州牧劉虞購斬漁陽賊張純下軍校尉鮑鴻下獄

歿夏四月丙午朔日有食之太尉馬日磾免幽州牧

劉虞為太尉丙辰帝崩于南宮嘉德殿年三十四戊

午皇子辯即皇帝位年十七尊皇后曰皇太后太后

臨朝大赦天下改元為光喜封皇弟協為渤海王後

將軍袁隗為太傅與大將軍何進參錄尚書事上軍

校尉蹇碩下獄歿時蹇碩謀欲立渤海王協發覺○劉放曰正文蹇碩下獄案碩以此

時誅當有此死字五月辛巳驃騎將軍董重下獄死董重皇后之弟

也子六月辛亥孝仁皇后董氏崩辛酉葬孝靈皇帝于

文陵在洛陽西北三十里陵高十二丈周回三百步雨水秋七月甘陵王忠

薨庚寅孝仁皇后歸葬河間慎陵徙渤海王協為陳

留王司徒丁宮罷八月戊辰中常侍張讓段珪等殺

大將軍何進於是虎賁中郎將袁術燒東西宮攻諸

宦者庚午張讓段珪等劫少帝及陳留王幸北宮德

陽殿何進部曲將吳匡與車騎將軍何苗戰於朱雀

闕下苗敗斬之辛未司隸校尉袁紹勒兵收偽司隸

校尉樊陵河南尹許相及諸閹人無少長皆斬之讓

珪等復劫少帝陳留王走小平津小平津在今鞏縣西北續漢志曰時

京師童謠曰侯非侯王非王千乘萬騎上北邙案獻帝未有爵號為段珪等所執公卿百官皆隨其後到

河上乃得還 **尚書盧植追讓珪等斬數人其餘投河而死**

獻帝春秋曰河南中部掾閔貢見天子出率騎追之北到河上天子饑渴貢宰羊進之厲聲責讓等曰君以闡宦之隸刀鋸之殘越從滂泥扶持日月賣弄國恩階賤為貴劫迫帝王蕩覆王室假息漏刻遊魂河津自云新以來姦臣賊子未有如君者今不速死吾射殺汝讓等惶怖义手再拜叩頭向天子辭曰臣等死陛下自愛 **帝與陳留王協夜步逐熒光行數里得**

民家露車共乘之辛未還宮大赦天下改光喜為昭寧并州牧董卓殺執金吾丁原司空劉弘免董卓自為司空九月甲戌董卓廢帝為弘農王自六月雨至于是月

論曰秦本紀說趙高譎二世指鹿為馬

史記曰趙高欲為亂恐羣

臣不聽乃先設驗持鹿獻胡亥曰馬也胡亥曰丞相誤也以問羣臣左右或言馬或言鹿者高皆陰法中之自此左右 **而趙忠張讓亦給靈帝不得登高臨觀**

不敢言之也 **故知亾敝者同其致矣然則靈**

帝之為靈也優哉

贊曰靈帝負乘委體宦孽 易曰負且乘致寇至言帝以小人而乘君子之器

徵亾備兆小雅盡缺 詩小雅曰小雅廢則四夷交侵中國微矣缺亦廢也 **麋鹿**

霜露逐棲宮衛 史記曰伍子胥諫吳王吳王不聽子胥曰臣今見麋鹿遊於姑蘇之臺宮

後漢書卷之九
靈帝紀
中生荆棘露沾衣也言帝為政貪亂任寄不得其人
尋以獻帝遷播洛陽丘墟故糜鹿棲宮衛也協韻衛
音于別反○劉攽曰熹平五年又書十月壬午御殿後槐
樹自拔倒豎年數日月無少異者蓋必有一誤臣攽
案中平五年十月又書甲子帝稱無上將軍云云壬
午到甲子凡四十五日非一月所能兼也則中平
記為衍矣又案續漢志中平五年亦無此異

後漢書卷之九

獻帝紀第九

孝獻皇帝諱協靈帝中子也

謚法曰聰明睿智曰獻協之字曰合張璠記曰

靈帝以帝似已故名曰協帝王紀曰協字伯和母王美人為何皇后所害中

平六年四月少帝即位封帝為渤海王徙封陳留王

九月甲戌即皇帝位年九歲遷皇太后於永安宮

遷也洛陽宮殿名曰永安宮周迴六百九十八丈故基在洛陽故城中大赦天下改昭

寧為永漢丙子董卓殺皇太后何氏初令侍中給事

黃門侍郎員各六人

續漢志曰侍中比二千石無員漢官儀曰侍中左蟬右貂本秦

後漢書卷之九 狀帝已

丞相史往來殿中故謂之侍中分掌乘輿服物下至
褻器虎子之屬武帝時孔安國為侍中以其儒者時
聽掌御坐唾壺朝廷榮之至東京時屬少府亦無員
駕出則一人負傳國璽操斬蛇劍乘輿中官俱止禁
中又曰給事黃門侍郎六百石無員掌侍從左右給
事中使關通中外應劭曰黃門侍郎每日暮向青瑣
門拜謂之夕郎輿服志曰禁門曰黃闥以中人主之
故號曰黃門令然則黃門郎給事黃闥之內故曰黃
門郎本既無員於此各置六人也獻帝起居注曰自
誅黃門後侍中侍郎出入禁中機事頗露由是王允
乃奏侍中黃門不得出入不通賓客自此始也。劉
放曰註乘輿中官俱止禁中案文當云參乘與中官
俱止禁中少一賜公卿以下至黃門侍郎家一人為
參字誤一輿字

郎以補宦官所領諸署侍於殿上

靈帝熹平四年改平準為中準使宦

官為令自是諸內署令丞悉以闔人為之故今並令士人代領之

乙酉以太尉劉虞

為大司馬董卓自為太尉加鈇鉞虎賁

禮記曰諸侯賜鈇鉞然後

專殺說文曰鈇莖刃也蒼頡篇曰鈇斧也加鈇鉞者得專殺也

丙戌太中大夫楊彪

為司空甲午豫州牧黃琬為司徒遣使弔祠故太傅

陳蕃大將軍竇武等冬十月乙巳葬靈思皇后白波

賊寇河東

薛瑩書曰黃巾郭泰等起於西河白波谷時謂之白波賊

董卓遣其將

牛輔擊之十一月癸酉董卓為相國十二月戊戌司

徒黃琬為太尉司空楊彪為司徒光祿勳荀爽為司

空省扶風都尉置漢安都護

扶風都尉比二千石武帝元鼎四年置中興不

改至此以羗擾三輔故省之置都護令總統西方

詔除光熹昭寧永漢三號

還復中平六年

初平元年春正月山東州郡起兵以討董卓辛亥大

赦天下癸酉董卓殺弘農王白波賊寇東郡二月乙

亥太尉黃琬司徒楊彪免庚辰董卓殺城門校尉伍

瓊督軍校尉周秘秘音必東觀記曰周秘豫州刺史

慎之子也續漢書魏志並作恣音秘以光祿勳趙謙為太尉謝承書曰謙字彥信太尉

太僕王允為司徒丁亥遷都長安董卓驅徙京師百

姓悉西入關自留屯畢圭苑壬辰白虹貫日三月乙

巳車駕入長安幸未央宮未央宮蕭何所造也張璠

翟雉飛入長安宮巳酉董卓焚洛陽宮廟及人家戊午董卓

殺太傅袁隗太僕袁基夷其族隗紹之叔父基袁術

起係紹術為主故誅其親屬獻帝春秋荀爽薨六月辛丑光祿大夫种拂為司空大鴻臚韓

融少府陰脩執金吾胡母班風俗通云胡母姓本陳

齊遂有齊國齊宣王母弟別封母鄉將作大匠吳脩

越騎校尉王瓌安集關東後將軍袁術河內太守王

匡各執而殺之英雄記曰匡字公節太山人也輕財

唯韓融獲免董卓壞五銖錢更鑄小錢光武中興除

王莽貨泉更

用五銖錢冬十一月庚戌鎮星熒惑太白合於尾是歲有

司奏和安順桓四帝無功德不宜稱宗又恭懷敬隱

恭愍三皇后竝非正嫡不合稱后皆請除尊號制曰

可和帝號穆宗安帝號恭宗順帝號敬宗桓帝號威

貴人曰敬隱皇后順帝尊母李氏曰恭愍皇后孫堅殺荊州刺史王叡王氏

叡字通曜晋太保祥伯父也吳錄曰叡素遇堅無禮

堅此時欲殺叡叡曰我何罪堅曰坐無所知叡窮迫

刮余飲之而死又殺南陽太守張咨

二年春正月辛丑大赦天下二月丁丑董卓自為太

師袁術遣將孫堅與董卓將胡軫戰於陽人陽人聚名屬河

遂發掘洛陽諸帝陵夏四月董卓入長安六月丙戌

地震秋七月司空种拂免光祿大夫濟南淳于嘉為

司空太尉趙謙罷太常馬日磾為太尉九月蚩尤旗

見于角亢天官書曰蚩尤之旗類彗而後曲象旗熒惑之精也呂氏春秋云其色黃上白下見

則王者征伐四方冬十月壬戌董卓殺衛尉張溫十

一月青州黃巾寇泰山泰山太守應劭擊破之黃巾

轉寇渤海公孫瓚與戰於東光復大破之東光今滄州縣是

歲長沙有人死經月復活

三年春正月丁丑大赦天下袁術遣將孫堅攻劉表

於襄陽堅戰歿袁紹及公孫瓚戰于界橋今貝州宗城縣東有

古界城近枯漳水則界橋在此也瓚軍大敗夏四月辛巳誅董卓夷

三族司徒王允錄尚書事摠朝政遣使者張种撫慰

山東青州黃巾擊殺兗州刺史劉岱於東平東郡太

守曹操大破黃巾於壽張降之五月丁酉大赦天下

丁未征西將軍皇甫嵩為車騎將軍董卓部曲將李

傪郭汜樊稠張濟等反攻京師六月戊午陷長安城

太常种拂太僕魯旭大鴻臚周奐三輔决錄注曰奐字文明茂陵人

城門校尉崔烈越騎校尉王頎竝戰歿頎音祈吏民死

者萬餘人李傪等竝自為將軍己未大赦天下李傪

殺司隸校尉黃琬甲子殺司徒王允皆滅其族丙子

前將軍趙謙為司徒秋七月庚子太尉馬日磾為太

傅錄尚書事八月遣日磾及太僕趙岐持節慰撫天

下車騎將軍皇甫嵩為太尉司徒趙謙罷九月李傪

自為車騎將軍郭汜後將軍樊稠右將軍張濟鎮東

將軍濟出屯弘農甲申司空淳于嘉為司徒光祿大

夫楊彪為司空竝錄尚書事冬十二月太尉皇甫嵩

免光祿大夫周忠為太尉參錄尚書事

四年春正月甲寅朔日有食之袁宏記曰時未哺八刻太史令王立奏曰

晷過度無變也朝臣皆賀帝令候焉未哺一刻而食賈詡奏曰立司候不明疑誤上下請付理官帝曰天

道遠事驗難明欲歸咎史官益重朕之不德也丁卯大赦天下三月袁術殺

揚州刺史陳溫據淮南長安宣平城門外屋自壞輔

黃圖曰長安城東面北頭門也夏五月癸酉無雲而雷六月扶風大

雨雹華山崩裂太尉周忠免太僕朱儁為太尉錄尚

書事下邳賊闕宣自稱天子風俗通曰闕姓也承闕

有關子著書兩水遣侍御史裴茂訊詔獄原輕繫六月辛

天狗

丑天狗西北行前書音義曰有聲為天狗無聲為枉矢九月甲午試儒

生四十餘人上第賜位郎中次太子舍人下第者罷

之詔曰孔子歎學之不講講習也論語之文不講則所識日

忘今耆儒年踰六十去離本土營求糧資不得專業

結童入學白首空歸長委農野永絕榮望朕甚愍焉

其依科罷者聽為太子舍人劉文獻帝紀曰時長安中為之謠曰頭白皓然

食不充糧裹衣褰裳當還故鄉聖主愍念悉用補郎舍是布衣被服玄黃冬十月太學行

禮車駕幸永福城門臨觀其儀賜博士以下各有差

辛丑京師地震有星孛于天市袁宏紀曰孛于天市將從天子移都其後

上東遷之應也司空楊彪免太常趙溫為司空公孫瓚殺太

司馬劉虞十二月辛丑地震司空趙溫免乙巳衛尉

張喜為司空獻帝春秋曰喜作嘉是歲琅邪王容薨

興平元年春正月辛酉大赦天下改元興平甲子帝

加元服二月壬午追尊謚皇妣王氏為靈懷皇后甲

申改葬于文昭陵丁亥帝耕于籍田三月韓遂馬騰

與郭汜樊稠戰於長平觀遂騰敗績左中郎將劉範

前益州刺史种劭戰歿前書音義曰長平陂名也上

十里今涇水南原駐城是也袁宏紀曰是時馬騰以李傕等專亂以益州刺史劉焉宗室大臣遣使招引

共誅傕焉遣子範將兵就騰故涼州刺史种劭太常拂之子也拂為傕所害劭欲報仇遂為此戰夏

六月丙子分涼州河西四郡為龐州謂金城酒泉丁

丑地震戊寅又震乙巳晦日有食之帝避正殿寢兵

不聽事五日大蝗秋七月壬子太尉朱儁免戊午太

常楊彪為太尉錄尚書事三輔大旱自四月至于是

月帝遊正殿請雨遣使者洗囚徒原輕繫洗謂滌滌也是

歲穀一斛五十萬豆麥一斛二十萬人相食啖白骨

委積帝使侍御史侯汶出太倉米豆為飢人作糜粥

終日而死者無數帝疑賦卹有虛乃親於御坐前量

試作麩乃知非實。袁宏紀曰時敕侍中劉艾取米豆五升於御前作麩得滿三孟於是詔尚書曰米豆五升得麩三孟而人委頓何也使侍中劉艾出讓有司於是尚書令以下皆詣省閣謝。○劉攽曰案閣當作閣閣門也詣閣無禮奏收侯汶考實詔曰未忍致汶于理可杖五十自是之後多得全濟八月馮翊羌叛寇屬縣郭汜樊稠擊破之九月柔復生椹人得以食司徒淳于嘉罷冬十月長安市門自壞以衛尉趙溫為司徒錄尚書事十二月分安定扶風為新平郡是歲揚州刺史劉繇與袁術將孫策戰于曲阿。策字伯符孫堅子曲阿今潤州縣繇軍敗績孫策

遂據山東

吳志曰孫策既破繇遂度兵據會稽策自領會稽太守

太傅馬日磾

薨于壽春

壽春縣名屬九江郡今壽春縣也

二年春正月癸丑大赦天下二月乙亥李傕殺樊稠而與郭汜相攻三月丙寅李傕脅帝幸其營焚宮室夏四月甲午立貴人伏氏為皇后丁酉郭汜攻李傕矢及御前。山陽公載記曰時弓弩並發矢下如雨及御所止高樓殿前帷簾也是日李傕移帝幸北塢。服虔通俗文曰營居曰塢一日庫城北塢時流矢中傕左耳乃迎帝幸北塢帝不肯從強之乃行大旱五月壬午李傕自為大司馬六月庚午張濟自陝來和傕汜秋七月

甲子車駕東歸郭汜自為車騎將軍楊定為後將軍
楊奉為興義將軍董承為安集將軍竝侍送乘輿張
濟為驃騎將軍還屯陝八月甲辰幸新豐冬十月戊
戌郭汜使其將伍習夜燒所幸學舍逼脅乘輿楊定
楊奉與郭汜戰破之壬寅幸華陰露次道南是夜有
赤氣貫紫宮獻帝春秋曰赤氣廣六七尺東至寅西至戌也張濟復反與李
傕郭汜合十一月庚午李傕郭汜等追乘輿戰於東
澗王師敗績殺光祿勳鄧泉衛尉士孫瑞廷尉宣播
大長秋苗祀獻帝春秋播作璠也步兵校尉魏桀侍中朱展射

聲校尉沮儁

風俗通曰沮姓也黃帝時史官沮誦之後音側余反

壬申幸曹陽

露次田中

曹陽澗名在今陝州西南七里俗謂之七里澗崔浩云自南山北通於河

楊奉

董承引白波帥胡才李樂韓暹及匈奴左賢王去卑
率師奉迎與李傕等戰破之十二月庚辰車駕乃進
李傕等復來追戰王師大敗殺畧宮人少府田芬大
司農張義等皆戰歿進幸陝夜度河乙亥幸安邑是
歲袁紹遣將麴義與公孫瓚戰於鮑丘鮑丘水名出北塞中南流
經九莊嶺東俗謂之大榆河又東南經漁陽縣故城東是瓚之戰處見水經注瓚軍大敗
建安元年春正月癸酉郊祀上帝於安邑大赦天下

改元建安二月韓暹攻衛將軍董承夏六月乙未幸
 聞喜秋七月甲子車駕至洛陽幸故中常侍趙忠宅
 丁丑郊祀上帝大赦天下已卯謁太廟八月辛丑幸
 南宮楊安殿癸卯安國將軍張楊為大司馬韓暹為
 大將軍楊奉為車騎將軍是時宮室燒盡百官披荆
 棘依牆壁間州郡各擁疆兵而委輸不至羣僚饑乏
 尚書郎以下自出採稻稻音呂埤蒼曰糴或饑死牆
 自生也稻與糴同或饑死牆
 壁間或為兵士所殺辛亥鎮東將軍曹操自領司隸
 校尉錄尚書事曹操殺侍中臺崇尚書馮碩等風俗
 通曰

金天氏裔孫曰臺駘其後氏焉山陽公載記曰臺字
 作壺○劉放曰注山陽公載記曰案文多一曰字

封衛將軍董承為輔國將軍○劉放曰案
 文多一為字伏完等十

三人為列侯贈沮雋為弘農太守庚申遷都許已巳

幸曹操營九月太尉楊彪司空張喜罷冬十一月丙

戌曹操自為司空行車騎將軍事百官總已以聽

二年春袁術自稱天子三月袁紹自為大將軍夏五

月蝗秋九月漢水溢是歲饑江淮間民相食袁術殺

陳王寵孫策遣使奉貢

三年夏四月遣謁者裴茂率中郎將段熲討李傕夷

三族

獻帝起居注曰傳雀首到許有詔高懸之也

呂布叛冬十一月盜殺

大司馬張楊十二月癸酉曹操擊呂布於徐州斬之

四年春三月袁紹攻公孫瓚于易京獲之

公孫瓚頻失利乃臨

易河築京以自固故號易京其城三重周回六里今內城中有土京在幽州歸義縣南爾雅曰絕高謂之

京非人力為之也

衛將軍董承為車騎將軍夏六月袁術死

是歲初置尚書左右僕射武陵女子死十四日復活

續漢志曰女子李娥年六十餘死瘞於城中有行人聞冢中有聲告家人出之

五年春正月車騎將軍董承偏將軍王服越騎校尉

种輯受密詔誅曹操事洩壬午曹操殺董承等夷三

族秋七月立皇子馮為南陽王壬午南陽王薨九月

庚午朔日有食之詔三公舉至孝二人九卿校尉郡

國守相各一人皆上封事靡有所諱曹操與袁紹戰

於官渡

裴松之北征記曰中牟臺下臨汴水是為官渡袁紹曹操壘尚存焉在今鄭州中牟縣北

紹敗走冬十月辛亥有星孛于大梁

大梁西之分

東海王

祗薨是歲孫策歿

為許貢客所射傷

弟權襲其餘業

權字仲謀

六年春三月丁卯朔日有食之

七年夏五月庚戌袁紹薨于賓國獻馴象

馴象謂隨人意也

是歲越雋男子化為女子

八年冬十月己巳公卿初迎冬於北郊斯禮久廢故曰初總

章始復備八佾舞袁紹紀云迎氣北郊始用八佾佾列也謂舞者之行列往因亂廢今

始備之總章樂官名古之安代樂初置司直官督中都官司直秩比二千石武

帝元狩五年置掌佐丞相舉不法也建武十一年省今復置之

九年秋八月戊寅曹操大破袁尚平冀州自領冀州

牧冬十月有星孛于東井十二月賜三公已下金帛

各有差自是三年一賜以為常制

十年春正月曹操破袁譚於青州斬之魏書曰操攻譚不剋乃自

執桴鼓應時破之夏四月黑山賊張燕率眾降魏志曰燕本姓褚常山真

定人也黃巾起燕合聚少年為羣盜萬餘人博陵人張牛角為主牛角死燕代為主故改姓張燕剽勇軍

中號曰張飛燕眾至百萬號曰黑山賊秋九月賜百官尤貧者金帛各

有差

十一年春正月有星孛于北斗三月曹操破高幹於

并州獲之典論曰上洛都尉王琰敗之追斬其首秋七月武威太守張

猛殺癰州刺史邯鄲商袁宏漢紀曰癰州作涼州也是歲立故琅

邪王容子熙為琅邪王濟北海阜陵下邳常山甘

陵濟陰平原八國皆除

十二年秋八月曹操大破烏桓於柝城斬其蹋頓蹋頓

匈奴王號柳城縣名屬遼西郡今營州縣

冬十月辛卯有星孛于鶉尾

鶉尾

已之

已巳黃巾賊殺濟南王贇

河間孝王五代孫

十一月遼

東太守公孫康殺袁尚袁熙

十三年春正月司徒趙溫免夏六月罷三公官置丞相御史大夫癸巳曹操自為丞相秋七月曹操南征

劉表八月丁未光祿勳郗慮為御史大夫

續漢書曰慮字鴻豫

山陽高平人也少受學於鄭玄

壬子曹操殺太中大夫孔融夷其族

是月劉表卒少子琮立琮以荊州降操冬十月癸未

朔日有食之曹操以舟師伐孫權權將周瑜敗之於

烏林赤壁

十四年冬十月荊州地震

十五年春二月乙巳朔日有食之

十六年秋九月庚戌曹操與韓遂馬超戰於渭南遂

等大敗關西平

曹操傳曰時婁子伯說操曰今天寒可起沙為城以水灌之可一夜而成

公從之比明城立超遂數挑戰不利操縱虎騎夾擊大破之超遂走涼州

是歲趙王赦薨

十七年夏五月癸未誅衛尉馬騰夷三族六月庚寅

晦日有食之秋七月洧水潁水溢螟八月馬超破涼

州殺刺史韋康九月庚戌立皇子熙為濟陰王懿為

山陽王邈為濟北王，敦為東海王。

山陽公載記曰：時許靖在巴郡，聞立

諸王曰：將欲歎之，必姑張之。將欲奪之，必姑與之。其孟德之謂乎。

冬十二月，星孛于

五諸侯。

五諸侯，星名也。

十八年春正月庚寅，復禹貢九州。

獻帝春秋曰：時省幽并州，以其郡國

并於冀州，省司隸校尉及涼州，以其郡國并為雍州。省兖州并荊州，益州於是有交、豫、青、徐、荆、揚、冀、益、雍也。九數雖同，而禹貢無益州。有梁州，然梁益亦一地也。夏五月丙申，曹操自立

為魏公，加九錫。

案禮含文嘉曰：九錫謂一曰車馬，二曰

陛，六曰虎賁，七百人，七曰斧鉞，八曰弓矢，九曰鉅鬯。

大雨水，徙趙王珪為博陵

王。是歲歲星鎮星熒惑俱入太微。

是年秋三星逆行入太微，守帝座五

十日彭城王和薨。

十九年夏四月旱，五月雨水。劉備破劉璋，據益州。冬

十月，曹操遣將夏侯淵討朱建于枹罕，獲之。

枹罕，縣屬金城。

郡今河州縣也。魏志曰：淵字妙才，沛國譙人也。

十一月丁卯，曹操殺皇后伏

氏，滅其族及二皇子。

山陽公載記曰：劉備在蜀聞之，遂發喪。

二十年春正月甲子，立賢人曹氏為皇后，賜天下男

子爵人一級，孝悌力田二級，賜諸王侯公卿以下穀

各有差。秋七月，曹操破漢中，張魯降。

二十一年夏四月甲午，曹操自進號魏王。五月己亥

朔日有食之秋七月匈奴南單于來朝是歲曹操殺

琅邪王熙國除坐謀欲渡江被誅

二十二年夏六月丞相軍師華歆為御史大夫冬有

星孛于東北是歲大疫

二十三年春正月甲子少府耿紀丞相司直韋晃起

兵誅曹操不克夷三族三輔決錄曰時有京兆金禕字德偉自以代為漢臣乃發憤與耿紀韋晃欲挾天子以攻魏南援劉備事敗夷三族三月有星孛于東方杜預

注左傳云平旦衆星皆沒而孛星乃見故不言所在之次

二十四年春二月壬子晦日有食之夏五月劉備取

漢中秋七月庚子劉備自稱漢中王八月漢水溢冬

十一月孫權取荊州

二十五年春正月庚子魏王曹操薨魏志曰操字孟德薨時年六十六

六子丕襲位魏志曰丕字子桓操之太子二月丁未朔日有食之

三月改元延康冬十月乙卯皇帝遜位魏王丕稱天

子遜讓也獻帝春秋曰帝時召羣臣卿士告祠高廟詔太常張音持節奉策璽綬禪位于魏王乃為壇於繁陽故城魏王登壇受皇帝璽綬奉帝為山陽公山陽縣名屬河內郡故城在今懷州

脩武縣西北邑一萬戶位在諸侯王上奏事不稱臣受詔

不拜以天子車服郊祀天地宗廟祖臘皆如漢制都

後漢書卷九 肅帝紀

十一

山陽之濁鹿城

濁鹿一名濁城亦名清陽城在今懷州脩武縣東北

四皇子封

王者皆降為列侯明年劉備稱帝于蜀孫權亦自王

於吳於是天下遂三分矣魏青龍二年三月庚寅山

陽公薨自遜位至薨十有四年年五十四謚孝獻皇

帝八月壬申以漢天子禮儀葬于禪陵

續漢書曰天子葬太僕駕

四輪輶為賓車大練為屋幙中黃門虎賁各二十人執紼司空擇士造穿太史十日將作黃腸題漆便房如禮大駕太僕御方相氏黃金四目蒙熊皮玄衣朱裳執戈揚楯立乘四馬先驅旂長三月十有二流曳地畫日月升龍書旒曰天子之柩謁者二人立乘六馬為次太常跪日哭日十五舉音止哭畫漏上請發司徒河南尹先引車轉太常日請拜送車著白絲三糾紼長二十丈圍七寸六行行五十人公卿以下

子弟凡三百人皆素幘委貌冠衣素裳挽校尉三百人皆赤幘不冠持幢幡皆銜枚羽林孤兒巴俞耀歌者六十人為六列司馬八人執鐸至陵南羨門司徒跪請就于房都導東園武士奉入房執事下明器太祝進醴獻司空將校復土嬖音徒了反帝王紀曰禪陵在濁鹿城西北十里在今懷州脩武縣北二十五里陵高二丈周回二百步劉澄之地記云以漢禪魏故以名焉。劉放日注太常跪哭日十五舉音止案漢志日字作置園邑令丞太子早卒孫康立五十一日在哭字上

年晉太康六年薨子瑾立四年太康十年薨子秋立

二十年永嘉中為胡賊所殺國除

論曰傳稱鼎之為器雖小而重故神之所寶不可奪

移左氏傳王孫滿曰桀有昏德鼎遷於商商紂暴虐鼎遷於周德之休明雖小重也其姦回昏亂雖大

後漢書卷九 肅帝紀

七

輕也故言神之至今負而趨者此亦窮運之歸乎言神

所實不可奪移器至重被大負而趨走者斯亦窮盡之運歸於此時乎言不可復振也莊子曰藏舟於壑藏山於澤謂之固矣然而有力者負之而趨而昧者不知天厭漢德久矣山陽其何誅焉

厭倦誅責也漢自和帝以後政教陵遲故言天厭漢德久矣禍之來也非獨山陽公之過其何所誅責乎

左傳宋子魚曰天既厭商德孔子曰於予予何誅

贊曰獻生不辰身播國屯辰時也播遷也言獻帝生不逢時身既播遷國又屯

難詩曰我生不辰終我四百永作虞賓春秋孔演圖曰劉四百歲

左傳曰震蕩播越之際褒漢王輔皇王以期有名不就宋均注曰雖褒族人為漢王以自輔以當有應期名見攝錄者故名不就也虞賓謂舜以堯子丹朱為賓商書曰

虞賓在位是也以喻山陽公為魏之賓也

四十三日

卷九終

後漢書卷之十上

皇后紀

夏殷以上后妃之制其文略矣周禮王者立后鄭玄注禮

記曰后之言後言在夫之後也三夫人九嬪二十七世婦八十一女

御以備內職焉后正位宮闈同體天王夫人坐論婦

禮鄭玄注周禮云夫人之於后猶三公之於王坐而論婦禮也九嬪掌教四德九嬪

比九卿周禮曰九嬪掌婦學之法以教九御也四德謂婦德婦言婦容婦功也世婦主喪祭

賓客婦服也明其能服事於人也比二十七大夫周禮世婦掌祭祀賓客喪紀之事祭之日蒞陳女

宮之具凡內羞之物掌弔臨于卿大夫之喪女御序于王之燕寢御謂進御于王

也比八十一元士周禮曰女御敘于王之燕寢以歲時獻功事也頒官分務各有典

司女史彤管記功書過周禮云女史掌王后之禮書內令凡后之事以禮從也鄭

我彤管注云古者后夫人必有女史彤管之法也玄注云亦如太史之於王也彤管亦管筆也詩云詒

居有保阿之訓動有環珮之響列女傳曰齊孝公孟姬華氏之女從孝公

遊車奔姬墮車碎孝公使駟馬立車載姬泣曰妾聞妃下堂必從傳母保阿進退則鳴玉佩環今立車

無駟非敢受命進賢才以輔佐君子哀窈窕而不淫其色詩

云關雎樂得淑女以配君子憂在進賢不淫其色哀窈窕思賢才而無傷善之心毛萇注云窈窕幽閒也

所以能述宣陰化修成內則周禮內宰職曰以陰禮教六宮以婦職之法教

九閨房肅雍險謁不行也肅敬也雍和也謁請也言能輔佐君子和順恭敬不

行私謁詩序曰雖則王姬猶執婦道以成肅雍之德又曰而無險謁私謁之心故康王晚朝

關雎作諷前書音義曰后夫人雞鳴佩玉去君所周康王后不然故詩人歎而傷之見魯詩

宣后晏起姜氏請愆列女傳曰周宣姜后齊侯之女房姜后既出乃脫簪珥待罪於永巷使傳母通言於

王曰妾不才淫心見矣至使君王失禮而晏起以見君王樂色忘德敢請罪惟君王之命王曰寡人之過夫人何辜遂勤政事成中興之名焉及周室

東遷禮序凋缺幽王時西夷犬戎兵攻殺幽王于驪山之下太子宜臼立是為平王東遷

洛邑以避大諸侯僭縱軌制無章齊桓有如夫人者

六人左傳曰桓公多內寵有如夫人者六人長衛姬少衛姬鄭姬葛嬴密姬宋華子也晉獻

升戎女為元妃元妃嫡夫人也史記曰晉獻公終於代驪戎得驪姬愛幸立以為妃終於

五子作亂

桓公六夫人生六子桓公卒立公子昭於
是公子無虧公子元公子潘公子商人公
子雍等五公子皆求立

公子昭奔宋是作亂也

冢嗣遘屯

冢大也遘遇也屯
難也晉獻公受驪

衣裳

上曰衣下曰裳詩曰綠兮衣兮綠衣黃裳鄭玄
曰綠衣黑今反以黃為裏非其禮制論妄上僭

也 以至破國亡身不可勝數斯固輕禮弛防先色後

德者也秦并天下多自驕大宮備七國

史記曰始皇
破六國寫故

其宮室作之咸陽北坂上南臨渭水殿屋復道周
閣相屬所得諸侯美人以充入之并秦為七也

列九品

前書曰漢興因秦之稱號正嫡稱皇后妾皆
稱夫人又有美人良人八于七子長使少使

之 漢興因循其號而婦制莫釐 高祖帷薄不修 戴

禮曰大臣坐污穢男女無別者不曰污穢曰帷
薄不修謂周昌入奏事高帝擁姬是不修也 孝文

衽席無辨

鄭玄注禮記曰衽卧席也孝文幸
慎夫人每與皇后同坐是無辨也

然而選

納尚簡飾翫少華自武元之後世增淫費至乃掖庭

三千增級十四

捷好一姪娥二容華三充衣四已上
武帝置昭儀五元帝置美人六良人

七七子八八子九長使十少使十一五官十二順常
十三舞消共和娛靈保休良娣使夜者十四此六宮

品秩同 妖幸毀政之符外姻亂邦之迹前史載之詳

矣及光武中興斷彫為朴

彫謂刻鏤也史記曰漢興
破觚而為圓斷彫而為璞

六宮稱號唯皇后貴人

鄭玄注周禮曰皇后正寢一
燕寢五是為六宮也夫人已

下分 居焉 貴人金印紫綬奉不過粟數十斛又置美人宮

人采女三等並無爵秩歲時賞賜充給而已漢法常

因八月算人漢儀注曰八月初遣中大夫與掖庭丞

及相工於洛陽鄉中閱視良家童女年十三以上二

十以下姿色端麗合法相者載還後宮擇視可否乃

用登御所以明慎聘納詳求淑哲明帝聿遵先旨宮

教頗修登建嬪后必先令德內無出閫之言閫門限也禮記

曰外言不入於閫內言不出於閫權無私溺之授可謂矯其敝矣向

使因設外戚之禁編著甲令前書音義曰甲令者前帝第一令也有甲令乙

令丙改正后妃之制貽厥方來豈不休哉雖御已有

度而防閑未篤故孝章以下漸用色授恩隆好合遂

忘淄蠹淄黑也蠹食木自古雖主幼時艱王家多彙

必委成冢宰簡求忠賢未有專任婦人斷割重器唯

秦羊太后始攝政事羊音亡爾反故穰侯權重於昭王家

富於羸國太后昭王母也號宣太后史記曰昭王立年少宣太后自知事以同母弟魏冉為將

軍任政封為穰侯太后攝政始於此也漢仍其謬知患莫改東京皇統

屢絕權歸女主外立者四帝謂安質桓靈臨朝者六后章

竇太后和熹鄧太后安思閫太后順莫不定策帷帟

委事父兄貪孩童以久其政抑明賢以專其威周禮幕人

掌幃帝幄幕之事鄭玄注曰帝幄中坐上承塵也殤帝崩鄧太后與兄騭等迎立安帝年十三冲帝崩梁太后與兄冀迎立質帝年八歲質帝崩太后與兄冀迎立桓帝年十五桓帝崩竇太后與兄武迎立靈帝年十

任重道悠利深禍速身犯霧露於雲臺之上

謂疾病也不可指言死故假霧露以言之靈帝時中常侍曹節矯詔遷太后於雲臺謝弼上封事曰伏惟皇太后援立明聖幽居空宮如有霧露之疾陛下當何面目以見天下家嬰縲紲於囹

犴之下

縲索也紲繫也囹圄周獄名也鄉亭之獄曰犴音五旦反謂外戚等被誅也

湮滅

連踵傾軛繼路

踵跡也軛車轅也賈誼曰前車覆後車誡

而赴蹈不息焦

爛為期終於陵夷大運淪亡神寶

陵夷猶頽替神寶帝位也詩書

所歎略同一揆故考列行跡以為皇后本紀雖成敗

事異而同居正號者並列于篇其以私恩追尊非常

時所奉者則隨它事附出

謂安帝母左姬及祖母宋貴人之類並見清河孝王

親屬別事各依列傳其餘無所見則係之此紀

謂賈

貴人虞美人之類是也

以續西京外戚云爾

續繼也

光武郭皇后諱聖通真定豪人也

豪縣名故城在今恒州豪城縣西

為郡著姓父昌讓田宅財產數百萬與異母弟國人

義之仕郡功曹娶真定恭王女號郭主

恭王名普景帝七代孫

生后及子況昌早卒郭主雖王家女而好禮節儉有

母儀之德更始二年春光武擊王郎至真定因納后

有寵及即位以爲貴人建武元年生皇子彊帝善況
小心謹慎年始十六拜黃門侍郎二年貴人立爲皇
后彊爲皇太子封況縣蠻侯以后弟貴重賓客輻湊
況恭謙下士頗得聲譽十四年遷城門校尉其後后
以寵稍衰數懷怨懟十七年遂廢爲中山王太后進
后中子右翊公輔爲中山王以常山郡益中山國徙
封況大國爲陽安侯陽安縣屬汝南郡故城在今
豫州朗山縣故道國城是也后
從兄竟以騎都尉從征伐有功封爲新鄴侯官至東
海相新鄴縣屬汝南郡故城在今潁州汝
陰縣西北鄴丘城是也音七私反竟弟匡爲

發干侯發干縣屬東郡故城在
今博州堂邑縣西南官至太中大夫后叔

父梁早終無子其壻南陽陳茂以恩澤封南戀侯音戀

力全反二十年中山王輔復徙封沛王后爲沛太后況

遷大鴻臚帝數幸其第會公卿諸侯親家飲燕賞賜

金錢縑帛豐盛莫比京師號況家爲金穴二十六年

后母郭主薨帝臨喪送葬百官大會遣使者迎昌喪

柩與主合葬追贈昌陽安侯印綬謚曰思侯二十八

年后薨葬于北芒帝憐郭氏詔況子璜尚清陽公主

除璜爲郎顯宗即位況與帝舅陰識陰就並爲特進

金穴

數授賞賜○劉放曰案文授當作受恩寵俱渥禮待陰郭每事必

均永平二年況卒贈賜甚厚帝親自臨喪謚曰節侯

子璜嗣元和三年肅宗北巡狩過真定會諸郭朝見

上壽引入倡飲甚歡說文曰倡樂也聲類曰俳以太牢具上郭主

冢賜粟萬斛錢五十萬永元初璜為長樂少府長樂少府

掌皇太后宮秩二千石居長信宮曰長信少府長樂宮曰長樂少府子舉為侍中兼射

聲校尉及大將平竇憲被誅舉以憲女壻謀逆故父

子俱下獄死家屬徙合浦郡名今廉州縣宗族為郎吏者悉

免官新鄴侯竟初為騎將前書曰車戶騎將屬光祿秩比千石從征伐

有功拜東海相永平中卒子嵩嗣嵩卒追坐染楚王

英事國廢建初二年章帝紹封嵩子勤為伊亭侯勤

無子國除發干侯匡官至太中大夫建武三十年卒

子勲嗣勲卒子駿嗣永平十三年亦坐楚王英事失

國建初三年復封駿為觀都侯卒無子國除郭氏侯

者凡三人皆絕國

論曰物之興衰情之起伏理有故然矣而崇替去來

之甚者必唯寵惑乎當其接牀第承恩色雖險情贅

行莫不德焉說文曰贅旒也老子曰餘食贅行河上公注曰行之無當為贅莊子曰附贅懸

此言醜惡也

及至移意愛析，嬖私雖惠心妍狀，愈獻醜焉。愛升則天下不足容其高，歡隊故九服無所逃其命。斯誠志士之所沉溺，君人之所抑揚，未或違之者也。郭后以衰離見貶，恚怨成尤，而猶恩加別館，增寵黨戚，至乎東海逡巡去，就以禮使後世不見隆薄進退之隙，不亦光於古乎？

光烈陰皇后諱麗華

謚法曰：執德遵業曰烈。東觀記有陰子公者，生子方，方生幼公。

公生君孟名陸，即后之文也。今世本時作陸。

南陽新野人。初光武適新野

聞后美，心悅之。後至長安，見執金吾車騎甚盛，因歎

曰：仕宦當作執金吾，娶妻當得陰麗華。更始元年六

月，遂納后於宛。當成里時年十九，及光武為司隸校

尉，方西之洛陽，令后歸新野。及鄧奉起兵，后兄識為

之將，后隨家屬徙涇陽，止於奉舍。光武即位，令侍中

傅俊迎后，與胡陽寧平主諸宮人俱到洛陽。以后為

貴人

寧平縣屬淮陽，故城在今亳州谷陽縣西南。

帝以后雅性寬仁，欲崇

以尊位，后固辭。以郭氏有子，終不肯當。故遂立郭皇

后。建武四年，從征彭寵，生顯宗於元氏。九年，有盜劫

殺后母鄧氏及弟訢。

音欣。

帝甚傷之，乃詔大司空曰：吾

微賤之時娶於陰氏因將兵征伐遂各別離幸得安

全俱脫虎口莊子曰孔子見盜跖謂柳下惠曰幾不免於虎口以貴人有母

儀之美宜立為后而固辭弗敢當列於媵妾爾雅曰媵送也

孫炎曰送女曰媵朕嘉其義讓許封諸弟未及爵土而遭患

逢禍母子同命愍傷于懷小雅曰將恐將懼惟予惟

汝將安將樂汝轉弃予谷風之詩風人之戒可不慎乎其

追爵謚貴人父陸為宣恩哀侯弟訢為宣義恭侯以

弟就嗣哀侯後及尸柩在堂使太中大夫拜授印綬

如在國列侯禮魂而有靈嘉其寵榮十七年廢皇后

郭氏而立貴人制詔三公曰皇后懷執怨懟數違教

令不能撫循它子訓長異室宮闈之內若見鷹鷂爾雅

曰宮中小門謂之闈既無關雎之德而有呂霍之風豈可託以

幼孤恭承明祀今遣大司徒涉戴涉也宗正吉持節其

上皇后璽綬陰貴人鄉里良家歸自微賤公羊傳曰婦人謂嫁

曰歸自我不見于今三年詩豳風東山之詞也宜奉宗廟為天下

母主者詳案舊典時上尊號異常之事非國休福不

得上壽稱慶后在位恭儉少嗜玩不喜笑譁性仁孝

多矜慈七歲失父雖已數十年言及未嘗不流涕帝

後漢書卷之十一 皇后紀

見常歎息顯宗即位尊后為皇太后永平三年冬帝
 從太后幸章陵置酒舊宅會陰鄧故人諸家子孫並
 受賞賜七年崩在位二十四年年六十合葬原陵明
 帝性孝愛追慕無已十七年正月當謁原陵夜夢先
 帝太后如平生歡既寤悲不能寐即案歷明旦日吉
 遂率百官及故客上陵其日降甘露於陵樹帝令百
 官采取以薦會畢帝從席前伏御牀視太后鏡奩中
 物奩鏡匣也音廉感動悲涕令易脂澤裝具左右皆泣莫能
 仰視焉

明德馬皇后諱某

謚法曰忠和純淑曰德諱某者史失其名下皆類此

伏波將

軍援之小女也少喪父母兄客卿敏惠早天母蘭夫
 人悲傷發疾恍惚后時年十歲幹理家事勅制僮御
幹正也廣雅曰僮御皆使者也內外諮稟事同成人初諸家莫知者
 後聞之咸歎異焉后嘗久疾太夫人令筮之筮者曰
 此女雖有患狀而當大貴兆不可言也後又呼相者
 使占諸女見后大驚曰我必為此女稱臣然貴而少
 子若養他子者得力乃當踰於所生初援征五溪蠻
 卒於師虎賁中郎將梁松黃門侍郎竇固等因譖之

由是家益失執，又數為權貴所侵侮，后從兄嚴不勝

憂憤，白太夫人絕寶氏婚，求進女掖庭，乃上書曰：臣

叔父援孤恩不報，孤負也而妻子特獲恩全，戴仰陛下

為天為父，人情既得不死，便欲求福，竊聞太子諸王

妃匹未備，援有三女，大者十五，次者十四，小者十三

儀狀髮膚上中以上，東觀記曰：明帝馬皇后美髮為四起大髻，但以髮成尚有餘繞

髻三匝，眉不施黛，獨左眉角小缺，補之如粟，嘗稱疾而終，身得意。皆孝順小心，婉靜

有禮，願下相工簡其可否，如有萬一，援不朽於黃

泉矣。又援姑姑姊妹並為成帝婕妤，葬於延陵，臣嚴幸

得蒙恩更生，冀因緣先姑當充後宮，由是選后入太

子宮，時年十三，奉承陰后，傍接同列，禮則脩備，上下

安之，遂見寵異，常居後堂，顯宗即位以后，為貴人，時

后前母姊女賈氏亦以選入，生肅宗，帝以后無子，命

令養之，謂曰：人未必當自生子，但患愛養不至耳，后

於是盡心撫育，勞悴過於所生，肅宗亦孝性惇篤，恩

性天至，母子慈愛，始終無纖介之間，纖介猶微細也，間隙也。后

常以皇嗣未廣，每懷憂歎，薦達左右，若恐不及，後宮

有進見者，每加慰納，若數所寵引，輒增隆遇，永平三

年春有司奏立長秋宮

皇后所居宮也長者久也秋者萬物成熟之初也故以名

馬請立皇后不敢指言故以宮稱之

帝未有所言皇太后曰馬貴人德

冠後宮即其人也遂立為皇后先是數日夢有小飛

蟲無數赴著身又入皮膚中而後飛出既正位宮闈

愈自謙肅身長七尺二寸方口美髮能誦易好讀春

秋楚辭尤善周官董仲舒書

周官周禮也仲舒書玉杯蕃露清明竹林之屬

也蕃音繁常衣大練裙不加緣

大練大帛也杜預注左傳曰大帛厚縵也太后兄廖

上書曰今陛下躬服厚縵是也

朔望諸姬主朝請

漢律春日朝秋日請

望見后

袍衣䟽麤反以為綺縠就視乃笑后辭曰此縵特宜

染色故用之耳六宮莫不歎息帝嘗幸苑囿離宮后

輒以風邪露霧為戒辭意欵備多見詳擇帝幸濯龍

中

續漢志曰濯龍園名也近北宮

並召諸才人下邳王已下皆在側

請呼皇后帝笑曰是家志不好樂雖來無歡是以遊

娛之事希嘗從焉十五年帝按地圖將封皇子悉半

諸國后見而言曰諸子食數縣於制不已儉乎帝曰

我子豈宜與先帝子等乎歲給二十萬足矣時楚獄

連年不斷囚相證引坐繫者甚眾后慮其多濫乘間

言及惻然帝感悟之夜起彷徨為思所納

思后所納之言卒

多有所降宥時諸將奏事及公卿較議難平者

廣雅曰較

明也帝數以試后后輒分解趣理各得其情每於侍執

之際輒言及政事多所毗補而未嘗以家私干故寵

敬日隆始終無衰及帝崩肅宗即位尊后曰皇太后

諸貴人當徙居南宮太后感析別之懷各賜王赤綬

加安車駟馬白越三千端

越布

雜帛二千匹黃金十斤

自撰顯宗起居注削去兄防參醫藥事帝請曰黃門

舅旦夕供養且一年既無褒異又不錄勤勞無乃過

乎太后曰吾不欲令後世聞先帝數親后宮之家故

不著也建初元年欲封爵諸舅太后不聽明年夏大

旱言事者以為不封外戚之故有司因此上奏宜依

舊典

漢制外戚以恩澤封侯故曰舊典也

太后詔曰凡言事者皆欲媚

朕以要福耳昔王氏五侯同日俱封

成帝封太后弟王譚王商王立

王根王逢時等同時為關內侯其時黃霧四塞不聞澍雨之應又田

蚡竇嬰寵貴橫恣傾覆之禍為世所傳

田蚡景帝王皇后同母弟

武安侯也為丞相貪驕與淮南王霸上私語後薨武帝曰使武安侯在者族矣竇嬰文帝竇皇后從兄子

魏其侯也為丞相坐與灌夫朋黨棄市故先帝防慎舅氏不令在樞機

之位

樞機近要之官也春秋運斗樞曰北斗第一天樞第二天樞第三機也

諸子之封裁

令半楚淮陽諸國常謂我子不當與先帝子等今有
司柰何欲以馬氏比陰氏乎吾為天下母而身服大
練食不求甘左右但著帛布無香薰之飾者欲身率
下也以為外親見之當傷心自勅但笑言太后素好
儉前過濯龍門上見外家問起居者車如流水馬如
游龍倉頭衣綠繡領袖正白繡臂衣今之臂鞞以顧
視御者不及遠矣故不加譴怒但絕歲用而已冀以
默愧其心而猶懈怠無憂國忘家之慮知臣莫若君
况親屬乎吾豈可上負先帝之旨下虧先人之德重

襲西京敗亡之禍哉固不許西京外戚呂祿呂產竇

等皆被誅帝省詔悲歎復重請曰漢興舅氏之封侯猶皇

子之為王也太后誠存謙虛柰何令臣獨不加恩三

舅乎且衛尉年尊兩校尉有大病衛尉太后兄廖兩校尉兄防兄光也

如令不諱使臣長抱刻骨之恨宜及吉時不可稽留

太后報曰吾反覆念之思令兩善豈徒欲獲謙謙之

名而使帝受不外施之嫌哉以恩澤封爵外家為外施也昔竇太

后欲封王皇后之兄竇太后文帝后也王皇后景帝后也兄即王信後封為蓋侯

丞相條侯言受高祖約無軍功非劉氏不侯條侯周亞夫也

前書曰高帝與功臣約非劉氏不王非有功不侯不如約天下共擊之

今馬氏無功於

國豈得與陰郭中興之后等邪常觀富貴之家祿位

重疊猶再實之木其根必傷文子曰再實之木根必傷掘藏之家後必殃

且人所以願封侯者欲上奉祭祀下求温飽耳今祭

祀則受四方之珍衣食則蒙御府餘資斯豈不足而

必當得一縣乎吾計之孰矣勿有疑也夫至孝之行

安親為上今數遭變異穀價數倍憂惶晝夜不安坐

卧而欲先營外封違慈母之拳拳乎拳拳猶勤勤也音權吾素

剛急有胃中氣不可不順也若陰陽調和邊境清靜

然後行子之志吾但當含飴弄孫方言曰飴飴也陳楚宋衛之間通語

不能復關政矣時新平主家御者失火延及北閣後

殿太后以為已過起居不歡時當謁原陵自引守備

不慎慙見陵園遂不行初太夫人葬起墳微高太后

以為言兄廖等即時滅削其外親有謙素義行者輒

假借温言賞以財位如有纖介則先見嚴恪之色然

後加譴其美車服不軌法度者便絕屬籍遣歸田里

廣平鉅鹿樂成王車騎朴素無金銀之飾帝以白太

后太后即賜錢各五百萬於是內外從化被服如一

諸家惶恐倍於永平時乃置織室蠶於濯龍中前書有東

織西織屬少府數往觀視以為娛樂常與帝旦夕言

道政事及教授諸小王論語經書述敘平生雍和終

日四年天下豐稔方垂無事帝遂封三舅廖防光為

列侯並辭讓願就關內侯太后聞之曰聖人設教各

有其方知人情性莫能齊也禮記王制曰凡居人材必因天地寒暖燥濕廣

谷大川異制人君其間異俗脩其教不易其俗齊其政不易其宜中國戎夷五方之人皆有性也不可推

移吾少壯時但慕竹帛志不顧命言少慕古人書名竹帛不顧命之長

短今雖已老而復戒之在得論語孔子曰少之時戒之在色及其老也戒之

在得得貪嗇也言彌復吝惜封爵不欲濫封親戚也故日夜惕厲思自降損惕懼

也厲危也居不求安食不念飽冀乘此道不負先帝所以

化導兄弟共同斯志欲令瞑目之日無所復恨何意

老志復不從哉萬年之日長恨矣廖等不得已受封

爵而退位歸第焉太后其年寢疾不信巫祝小醫數

勅絕禱祀至六月崩在位二十三年年四十餘合葬

顯節陵

賈貴人南陽人建武末選入太子宫中元二年生肅

宗而顯宗以為貴人帝既為太后所養專以馬氏為

外家故貴人，不登極位。賈氏親族，無受寵榮者。及太

后崩，乃策書加貴人王赤綬。續漢書曰：諸侯王赤綬也。安車一駟。

永巷宮人二百。永巷，宮中署名也。後改為掖庭。永巷，宮人即宮婢。御府雜帛

二萬匹，大司農黃金千斤，錢二千萬。諸史並闕後事，

故不知所終。

章德竇皇后諱某，扶風平陵人。大司徒融之曾孫也。

祖穆，父勲，坐事死。事在竇融傳。勲尚東海恭王彊女。

泚陽公主，后其長女也。家既廢壞，數呼相工問息耗。

薛氏韓詩章句曰：耗，惡也。息耗猶言善惡也。見后者皆言當大尊貴，非臣

妾容貌，年六歲能書。親家皆竒之。建初二年，后與女

弟俱以選例入。見長樂宮，進止有序，風容甚盛。肅宗

先聞后有才色，數以訊諸姬傅。訊問也。傅謂傅母。及見雅以

為美，馬太后亦異焉。因入掖庭，見於北宮。章德殿后

性敏給，傾心承接，稱譽日聞。明年遂立為皇后，妹為

貴人。七年追爵謚。后父勲為安成思侯。安成縣屬汝南郡，故城在

今豫州吳房縣東南。后寵幸殊特，專固後宮。初，宋貴人生皇太

子慶，梁貴人生和帝。后既無子，竝疾忌之。數間於帝，

漸致踈嫌。因誣宋貴人挾邪媚道，遂自殺。廢慶為清

河王語在慶傳梁貴人者梁竦之女也少失母為伯

母舞陰長公主所養長公主光武女梁松尚焉年十六建初二年

亦與中姊俱選入掖庭為貴人四年生和帝后養為

已子欲專名外家而忌梁氏八年乃作飛書以陷竦

飛書若今匿名書也竦坐誅貴人姊妹以憂卒自是宮房慄息

慄懼也音牒周書曰歸捕以威而氣慄懼也后愛日隆及帝崩和帝即位

尊后為皇太后皇太后臨朝尊母泚陽公主為長公

主益湯沐邑三千戶兄憲弟篤景並顯貴擅威權後

遂密謀不軌永元四年發覺被誅九年太后崩未及

葬而梁貴人姊嬖音一計反上書陳貴人枉歿之狀太尉

張酺司徒劉方司空張奮上奏依光武黜呂太后故

事中元元年黜呂后不宜配食高廟貶太后尊號不宜合葬先帝百

官亦多上言者帝手詔曰竇氏雖不遵法度而太后

常自減損朕奉事十年深惟大義禮臣子無貶尊上

之文恩不忍離義不忍虧案前世上官太后亦無降

黜上官太后昭帝后也父安與燕王謀反其勿復議

於是合葬敬陵在位十八年帝以貴人酷歿歛葬禮

闕乃改殯於承光宮上尊謚曰恭懷皇后謚法曰敬事尊上曰

恭慈仁哲 追服喪制百官縞素與姊大貴人俱葬西

陵儀比敬園敬園安帝祖母

和帝陰皇后諱某光烈皇后兄執金吾識之曾孫后

少聰慧善書藝永元四年選入掖庭以先后近屬故

得為貴人有殊寵八年遂立為皇后自和熹鄧后入

宮熹音討其反愛寵稍衰數有恚恨后外祖母鄧朱出入

宮掖十四年夏有言后與朱共挾巫蠱道巫師為蠱

左傳注曰事發覺帝遂使中常侍張慎與尚書陳褒

於掖庭獄雜考案之朱及二子奉殺與后弟軼輔敞

辭語相連及以為祠祭祝詛大逆無道奉教輔考死

獄中帝使司徒魯恭持節賜后策上璽綬遷于桐宮

以憂死立七年葬臨平亭部葬于亭部內之地也父特進綱自

殺軼敞及朱家屬徙日南北景縣宗親內外昆弟皆

免官還田里永初四年鄧太后詔赦陰氏徙者歸故

郡還其資財五百餘萬

和熹鄧皇后諱綏蔡邕曰謚法有功安人曰熹太傅禹之孫也父

訓護羗校尉母陰氏光烈皇后從弟女也后年五歲

太傅夫人愛之自為翦髮夫人年高目冥誤傷后額

忍痛不言左右見者怪而問之后曰非不痛也夫人
哀憐為斷髮難傷老人意故忍之耳六歲能史書史書

周宣王太史籀所作大篆十五篇也前書曰教學童之書也十二通詩論語諸兄

每讀經傳輒下意難問下意猶出氣也志在典籍不問居家

之事母常非之曰汝不習女工以供衣服乃更務學

寧當舉博士邪后重違母言晝修婦業暮誦經典家

人號曰諸生父訓異之事無大小輒與詳議永元四

年當以選人會訓卒后晝夜號泣終三年不食鹽菜

憔悴毀容親人不識之后嘗夢捫天捫摸也蕩蕩正青

若有鍾乳狀乃仰嗽飲之以訊諸占夢言堯夢攀天

而上湯夢及天而啗之啗音是斯皆聖王之前占吉不

可言又相者見后驚曰此成湯之法也續漢書曰相者待詔相工

蘇文曰此成湯之骨法家人竊喜而不敢宣后叔父咳言常聞

活千人者子孫有封兄訓為謁者使修石曰河歲活

數千人天道可信家必蒙福初太傅禹歎曰吾將百

萬之眾未嘗妄殺一人其後世必有興者七年后復

與諸家子俱選入宮后長七尺二寸姿顏姝麗姝美色也

詩曰彼姝者子絕異於眾左右皆驚八年冬入掖庭為貴人

時年十六恭肅小心動有法度承事陰后夙夜戰兢接撫同列常克已以下之雖宮人隸役皆加恩借帝

深嘉愛焉及后有疾特令后母兄弟入親醫藥不限以日數后言於帝曰宮禁至重而使外舍久在內省

外舍上令陛下有幸私之譏下使賤妾獲不知足之

謗上下交損誠不願也帝曰人皆以數人為榮貴人反以為憂深自抑損誠難及也每有讌會諸姬貴人

競自修整簪珥光采袿裳鮮明說文簪笄也珥瑱也以玉充耳釋名曰婦

人上服而后獨著素裝服無飾其衣有與陰后同色

者即時解易若並時進見則不敢正坐離立行則偃

身自卑離並也禮記曰離坐離立無往參焉帝每有所問常逡巡後對

不敢先陰后言帝知后勞心曲體歎曰修德之勞乃

如是乎後陰后漸踈每當御見輒辭以疾時帝數失

皇子后憂繼嗣不廣恒垂涕歎息數選進才人以博

帝意陰后見后德稱日盛不知所為遂造祝詛欲以

為害帝嘗寢病危甚陰后密言我得意不令鄧氏復

有遺類后聞乃對左右流涕言曰我竭誠盡心以事

皇后竟不為所祐而當獲罪於天婦人雖無從死之

義然周公身請武王之命

武王有疾周公為之請命於太王王季文王曰若爾

三王有不子之責于天以旦代某之身也

越姬心誓必死之分

越姬楚昭王之姬越

王句踐女也昭王讌遊越姬從謂姬曰樂乎對曰樂則樂矣而不可久也王曰願與子生死若此姬曰君

王樂遊要妾以死不敢聞命後王病有赤雲夾日如飛鳥王問周太史史曰是害王身請移於將相王曰

將相於狐猶股肱也不聽姬曰大哉君王之德妾請從王死矣昔日遊樂是以不敢聽命今君王復禮國

人為君王死何况妾乎妾願先驅狐狸於地下昔日口雖不言心許之矣妾聞信者不負其心遂自殺故

曰心誓事見列女傳也

上以報帝之恩中以解宗族之禍下不

令陰氏有人豕之譏

高帝愛幸戚夫人帝崩呂太后斷夫人手足去眼薰耳使居鞠

室中名曰人豕也

即欲飲藥宮人趙玉者固禁之因詐言屬

有使來上疾已愈后信以為然乃止明日帝果瘳十

四年夏陰后以巫蠱事廢后請救不能得帝便屬意

焉后愈稱篤疾深自閉絕會有司奏建長秋宮帝曰

皇后之尊與朕同體承宗廟母天下豈易哉唯鄧貴

人德冠後庭乃可當之至冬立為皇后辭讓者三然

後即位手書表謝深陳德薄不足以充小君之選是

時方國貢獻競求珍麗之物自后即位悉令禁絕歲

時但供紙墨而已帝每欲官爵鄧氏后輒哀請謙讓

故兄騰終帝世不過虎賁中郎元興元年帝崩長子

平原王有疾而諸皇子夭歿前後十數後生者輒隱

祕養於人間殤帝生始百日后乃迎立之尊后為皇

太后太后臨朝和帝葬後宮人竝歸園太后賜周馥

貴人策曰朕與貴人託配後庭其歡等列十有餘年

不獲福祐先帝早棄天下孤心煢煢煢煢孤特之貌也詩曰煢煢在

疾靡所瞻仰夙夜永懷感愴發中今當以舊典分歸

後園慘結增歎燕燕之詩曷能喻焉詩鄘鄘序曰衛莊姜送歸妾也

其詩曰燕燕于飛差池其羽之子于歸遠送于野瞻望不及泣涕如雨其賜貴人王青

蓋車采飾輅驂馬各一駟黃金三十斤雜帛三千匹

白越四千端又賜馮貴人王赤綬以未有頭上步搖

環珮加賜各一具周禮王后首服為副所以副首為飾若今步搖也釋名曰皇后首副

其上垂珠步則搖也是時新遭大憂法禁未設宮中亡大珠

一篋太后念欲考問必有不辜乃親閱宮人觀察顏

色即時首服又和帝幸人吉成御者共枉吉成以巫

蠱事遂下掖庭考訊辭證明白太后以先帝左右待

之有恩平日尚無惡言今反若此不合人情更自呼

見實覈果御者所為莫不歎服以為聖明常以鬼神

難徵淫祀無福乃詔有司罷諸祠官不合典禮者又

詔赦除建武以來諸犯妖惡及馬竇家屬所被禁錮

者皆復之為平人減大官導官尚方內者服御珍膳

靡麗難成之物漢官儀曰大官主膳羞也前書音義曰導官主導擇米以供祭祀尚方掌

工作刀劍諸物及刻玉為器漢官儀曰內者主帷帳並署名也自非供陵廟稻梁米

不得導擇朝夕一肉飯而已舊大官湯官經用歲且

二萬萬經常也太后勅止曰殺省珍費自是裁數千萬

及郡國所貢皆減其過半悉斥賣上林鷹犬其蜀漢

釦器九帶佩刀竝不復調蜀蜀郡也漢廣漢郡也二郡主作供進之器元帝時

貢禹上書蜀廣漢主金銀器各用五百萬是也釦音口以金銀綠器也止畫工三十九

種又御府尚方織室錦繡冰紈綺縠金銀珠玉犀

璠瑁彫鏤翫弄之物皆絕不作離宮別館儲峙米糒

薪炭悉令省之儲峙猶蓄積也構乾飯也又詔諸園貴人其宮人

有宗室同族若羸老不任使者令園監實覈上名自

御北宮增喜觀閱問之恣其去留即日免遣者五六

百人及殤帝崩太后定策立安帝猶臨朝政以連遭

大憂百姓苦役大憂謂和帝殤帝崩殤帝康陵方中秘藏方中陵中

也豕藏之中故言秘也及諸工作事事減約十分居一詔告司

隸校尉河南尹南陽太守曰每覽前代外戚賓客假

借威權輕薄認詞言忽遠也認音七洞反調音洞至有濁亂奉公為

人患苦咎在執法怠懈不輒行其罰故也今車騎將

鷹等雖懷敬順之志而宗門廣大姻戚不少賓客

姦猾多干禁憲干犯也其明加檢勅勿相容護自是親

屬犯罪無所假貸太后愍陰氏之罪廢赦其徙者歸

鄉勅還資財五百餘萬永平元年爵號太夫人為新

野君萬戶供湯沐邑湯沐者取其賦稅以供湯沐之具也二年夏京師

旱親幸洛陽寺錄冤獄有囚實不殺人而被考自誣

羸困與見畏吏不敢言將去舉頭若欲自訴太后察

視覺之即呼還問狀具得枉實即時收洛陽令下獄

抵罪行未還宮澍雨大降三年秋太后體不安左右

憂惶禱請祝辭願得代命太后聞之即譴怒竊勅掖

庭令以下但使謝過祈福不得妄生不祥之言舊事

歲終當饗遣衛士舊事衛士得代歸者上親饗焉前書蓋寬饒傳曰歲盡當代上臨饗

是也罷衛卒大儺逐疫禮記月令有大儺旁磔土牛以送寒氣鄭玄注云儺陰氣也此月之

鬼隨疆陰出以害人故儺却之也厲太后以陰陽不

和軍旅數興詔饗會勿設戲作樂減逐疫子之半

也善董幼子也續漢書曰大儺選中黃門子弟年十

大儺

也善董幼子也續漢書曰大儺選中黃門子弟年十

歲以上十二以下百二十人
為俵子皆赤幘皂製執大靴 悉罷象橐駝之屬豐年

復故太后自入宮掖從曹大家受經書兼天文算數

晝省王政夜則誦讀而患其謬誤懼乖典章乃博選

諸儒劉珍等及博士議郎四府掾史五十餘人詣東

觀讎校傳記讎對也事畢奏御賜葛布各有差又詔中

官近臣於東觀受讀經傳以教授宮人左右習誦朝

夕濟濟及新野君薨太后自侍疾病至乎終盡憂哀

毀損事加於常贈以長公主赤綬東園祕器玉衣繡

衾東園署名屬少府
主作凶器故言祕又賜布三萬匹錢三千萬鷹等

遂固讓錢布不受使司空持節護喪事儀比東海恭

王謚曰敬君太后諒闇既終諒闇居喪之廬也或為
諒陰諒信也陰默也言

居憂信
默不言久旱太后比三日幸洛陽錄囚徒理出死罪

三十六人耐罪八十人其餘減罪死右趾已下至司

寇七年正月初入太廟齋七日賜公卿百僚各有差

大戊謁宗廟率命婦群妾相禮儀相助也儀禮曰命
夫者男子之為大

與皇帝交獻親薦成禮而還周禮宗廟
祭之日旦

天也命婦者
夫之妻也王服衮冕而入立於阼后服副禕從王而入王以圭

交獻也卒事副鬱鬯以獻尸次后以璋瓚酌鬱鬯以獻尸此謂
九獻焉因下詔曰凡供薦新味多非其節或鬱

養強孰或穿掘萌芽味無所至而夭折生長豈所以

順時育物乎傳曰非其時不食論語曰不時不食言非其時物則不食之

前書召信臣曰不時之物有傷於人不宜以奉供養自今當奉祠陵廟及給御

者皆須時乃上凡所省二十三種自太后臨朝水旱

十載四夷外侵盜賊內起每聞人饑或達旦不寐而

躬自減徹以救災阨故天下復平歲還豐穰元初五

年平望侯劉毅平望縣屬北海郡今青州北海縣西北平望臺是也一名望海臺以

太后多德政欲令早有注記上書安帝曰臣聞易載

義農而皇德著易繫辭曰古者包羲氏之王天下仰觀象於天俯觀法於地於是始畫八

卦以通神明之德以類萬物之情包羲氏沒神農氏作斲木為耜操木為耒耜之利以教天下伏羲神農為三皇故言皇德也書述唐虞而帝道崇故雖聖明必書功

於竹帛流音於管絃竹謂簡冊帛謂謙素黃帝以下六代樂音所以章顯功德是流音於管絃

伏惟皇太后膺大聖之姿體乾坤之德易曰聖人與天地合

齊蹤虞妃比跡任姒虞妃即舜妻娥皇女英也任文王母姒武王母也

孝悌慈仁允恭節約杜絕奢盈之源防抑逸欲之兆

正位內朝流化四海易家人卦曰女正位乎內正家而天下定矣禮記曰東夷西戎

南蠻北狄謂之四海及元興延平之際國無儲副仰觀乾象參

之人譽援立陛下為天下主永安漢室綏靜四海又

遭水潦東州饑荒

延平元年安帝初即位六州大水永初元年稟司隸充豫徐冀并六

州貧人

垂恩元元冠蓋交路非薄衣食躬率群下損膳

解驂以贍黎苗

廣雅云苗衆也

惻隱之恩猶視赤子

隱痛也尚書曰

若保赤子惟人其康乂

克已引愆顯揚仄陋崇晏晏之政

尚書考靈

耀曰文其晏晏

弊在寬之教

敷布也尚書曰五教在寬

興滅國繼絕世錄

功臣復宗室追還徙人蠲除禁錮政非惠和不圖於

心制非舊典不訪於朝弘德洋溢充塞宇宙

洋溢言多洪

澤豐沛漫衍八方華夏樂化戎狄混并丕功著於大

漢碩惠加於生人巍巍之業可聞而不可及蕩蕩之

勲可誦而不可名古之帝王左右置史

禮記玉藻曰動則左史書

之言則右史書之

漢之舊典世有注記夫道有夷崇治有進

退若善政不述細異輒書是為堯湯負洪水大旱之

責而無咸熙假天之美

咸皆也熙廣也尚書曰庶績咸熙言堯之朝政衆功皆廣

假音格至也尚書曰祐我烈祖格于皇天言伊尹佐湯功至於天也堯洪水九載湯大旱七年

高宗

成王有雉離迅風之變而無中興康寧之功也

高宗殷王

也祖乙之子名武丁當祭成湯有飛雉升鼎耳而雉高宗修德殷道中興成王疑周公乃有雷電大風之

變成王改過幾刑措也

上考詩書有虞二妃周室三母

尚書曰釐降二

女于媯嬪于虞三母謂后稷母姜嫄文王母大任武王母太姒也詩大雅曰厥初生民時維姜嫄又曰

太任有身生此文王又曰修行佐德詩云既有烈考亦有文母是佐

德也○劉敞曰注案今詩皆作右字右有音耳不當作有也思不踰閼閼門限也左傳曰婦

人送迎不出門見兄弟不踰閼未有內遭家難外遇災害覽總大麓

經營天物麓錄也言大錄萬機之政書曰納於大麓又曰暴殄天物也功德巍巍

若茲者也宜令史官著長樂宮注聖德頌以敷宣景

耀勲金石縣之日月易曰縣象著明莫大於日月攄之罔極以

崇陛下烝烝之孝帝從之廣雅曰攄舒也孔安國注尚書曰烝烝猶進進也

六年太后詔徵和帝弟濟北河間王子男女年五歲

以上四十餘人又鄧氏近親子孫三十餘人竝為開

邸第蒼頡篇曰邸舍也教學經書躬自監試尚幼者使置師

保朝夕入宮撫循詔導恩愛甚渥詔告也乃詔從兄河

南尹豹越騎校尉康等曰吾所以引納群子置之學

官者實以方今承百王之敝時俗淺薄巧偽滋生五

經衰缺不有化導將遂陵遲故欲褒崇聖道以匡失

俗傳不云乎飽食終日無所用心難矣哉論語孔子言也言人

終日飽食不措心於道義難矣哉言終無遠大也今末世貴戚食祿之家温

衣美飯乘堅驅良堅謂好車良謂善馬也墨子曰聖王為衣服之法堅車良馬不知貴

也而面牆術學不識臧否尚書曰弗學面牆也斯故禍敗所從

來也永平中四姓小侯皆令入學小侯解見明紀所以矯俗

厲薄反之忠孝先公既以武功書之竹帛兼以文德

教化子孫先公謂鄧禹禹有子十三人各使守一藝故曰文德也故能束脩不

觸羅網言能自約束脩整也誠令兒曹上述祖考休烈下念詔

書本意則足矣其勉之哉康以太后久臨朝政心懷

畏懼託病不朝太后使內人問之時宮婢出入多能

有所毀譽其耆宿者皆稱中大人所使者乃康家先

亦自通中大人康聞詔之曰汝我家出爾敢爾邪

悉說康詐疾而言不遜太后遂免康官遣歸國

絕屬籍永寧二年二月寢病漸篤乃乘輦於前殿見

侍中尚書因北至太子新所繕宮還大赦天下賜諸

園貴人王主群僚錢布各有差詔曰朕以無德託母

天下而薄祐不天早離大憂延平之際海內無主元

元危運危如累卵說苑曰晉靈公驕奢造九層之臺國困人貧恥功不成令曰左右諫

者斬也荀息求見公曰諫邪荀息曰不敢臣能累十二博棊加九雞子其上公曰危哉荀息曰復有危於此者

公為九層之臺男女不得耕織社稷一滅君何所望君曰寡人之過乃壞臺焉勤勤苦心不

敢以萬乘為樂上欲不欺天愧先帝下不違人負宿

心誠在濟度百姓以安劉氏自謂感徹天地當蒙福

祚而喪禍內外傷痛不絕內外謂新野君薨及和殤二帝崩也頃以廢

病沈滯久不得侍祠自力上原陵加欵逆唾血遂至

不解存亡大分無可奈何公卿百官其勉盡忠恪以

輔朝廷三月崩在位二十年年四十一合葬順陵

論曰鄧后稱制終身號令自出術謝前政之良身闕

明辟之義前政謂周公也辟君也尚書曰朕復子明辟言周公攝位復還成王今太后不還故

日闕也至使嗣主側目歛衽於虛器器謂神器也諭帝位也直生懷

懣懸書於象魏象魏闕也直生杜根等上書請太后還政借之儀者殆其

惑哉借猶假也殆近也言太后不還政於安帝近可惑也然而建光之後王柄

有歸太后建光之中崩歸政安帝遂乃名賢戮辱便孽黨進帝寵用乳

母王聖及其女伯榮出入宮掖通傳姦賂太尉楊震及鄧騭等皆被中官譖誅也衰斁之來

茲焉有徵斁敗也安帝臨政衰敗逾甚故曰有徵也故知持權引謗所幸

者非已焦心卹患自強者唯國言執持朝權以招衆謗者所幸不為已身

唯憂國也是以班母一說闔門辭事太后兄大將軍騭以母憂上書乞身太后

不許以問班昭乃許之語見昭傳愛姪微愆髡剔謝罪太后兄騭子鳳受遺事洩

騭遂髡妻及鳳以謝天下語見騭傳將杜根逢誅未值其誠乎誠信也言未為

太后所信但蹊田之牛奪之已甚左傳申叔時曰牽牛以蹊人之田而奪之牛牽

牛以蹊者信有罪矣而奪之牛罰已重矣此喻杜根上書雖曰有罪太后殺之為過甚也

後漢書卷之十下

皇后紀

安思閻皇后諱姬

謚法曰謀慮不愆曰思

河南滎陽人也祖父

章永平中為尚書以二妹為貴人章精力曉舊典久

次當遷以重職顯宗為後宮親屬竟不用出為步兵

校尉

漢官儀曰比二千石掌宿衛兵屬北軍中候也

章生暢暢生后后有才

色元初元年以選入掖庭甚見寵愛為貴人二年立

為皇后后專房妬忌帝幸宮人李氏生皇子保遂鴆

殺李氏

鴆毒鳥也食蝮以其羽畫酒中飲之立死

三年以后父侍中暢為

長水校尉封北宜春侯

北宜春縣屬汝南郡以豫章有宜春故城在此

豫州汝南縣西南也

食邑五千戶四年暢卒謚日文侯子顯嗣

建光元年鄧太后崩帝始親政事顯及弟景耀晏竝

為卿校典禁兵延光元年更封顯長社縣侯

長社縣屬潁川

郡前書音義曰其社中樹繁長故名長社今許州縣

食邑萬三千五百戶追尊

后母宗為榮陽君

續漢志曰婦人封君儀比公主油健輶車帶綬以采組為緹帶各如其綬色黃金辟邪加其首為帶

而亂亂毀齒也音初沙反

竝為黃門侍郎后寵既盛而兄弟頗與

大戴禮曰男八歲而亂女七歲

朝權后遂與大長秋江京中常侍樊豐等共譖皇太

子保廢為濟陰王四年春后從帝幸章陵帝道疾崩

於葉縣后顯兄弟及江京樊豐等謀曰今晏駕道次

晏晚也臣下不敢斥言帝崩猶言晚駕而出

濟陰王在內邂逅公卿立之

還為大害乃偽云帝疾甚徙御卧車行四日驅馳還

宮明日詐遣司徒劉喜詣郊廟社稷告天請命其夕

乃發喪尊后曰皇太后皇太后臨朝

蔡邕獨斷曰少帝即位太后即

代攝政臨前殿朝羣臣太后東面少帝西面羣臣奏事上書皆為兩通一詣后一詣少帝

以顯為

車騎將軍儀同三司太后欲久專國政貪立幼年與

顯等定策禁中迎濟北惠王子北鄉侯懿

惠王名壽章帝子也

立為皇帝顯忌大將軍耿寶耿弇之弟位尊權重威

行前朝乃風有司奏寶及其黨與中常侍樊豐虎賁

中郎將謝暉暉弟侍中篤篤弟大將軍長史宓善文

字伯周宓字仲周篤字季周侍中周廣阿母野王君王聖聖女永

永壻黃門侍郎樊巖等更相阿黨互作威福探刺禁

省更為唱和皆大不道豐暉廣皆下獄死家屬徙比

景比景縣名屬日南郡前書音義曰宓巖減死髡鉗

貶寶為則亭侯遣就國自殺王聖母子徙鴈門於是

景為衛尉耀城門校尉晏執金吾兄弟權要威福自

自由

由少帝立二百餘日而疾篤顯兄弟及江京等皆在

左右京引顯屏語曰北鄉疾病不解國嗣宜時有定

前不用濟陰王今若立之後必當怨又何不早徵諸

王子簡所置乎顯以為然及少帝薨京白太后徵濟

北河間王子未至而中黃門孫程合謀殺江京等立

濟陰王是為順帝顯景晏及黨與皆伏誅遷太后於

離宮家屬徙比景明年太后崩在位十二年合葬恭

陵帝母李氏瘞在洛陽城北帝初不知莫敢以聞及

太后崩左右白之帝感悟發哀親到瘞所更以禮殯

上尊謚曰恭愍皇后。葬恭北陵。為策書金匱，藏于世。

祖廟 在恭陵之北，因以為名。漢官儀曰：置陵園令，食監各一人，秩皆六百石，金匱緘之以金。

順烈梁皇后諱妣，謚法曰執德尊業曰烈。大將軍商

之女，恭懷皇后弟之孫也。后生有光景之祥，少善女

工，好史書，九歲能誦論語治韓詩。韓嬰所傳詩也。大義畧舉

常以列女圖畫置於左右，以自監戒。劉向撰列女傳八篇，圖畫其象。

父商深異之，竊謂諸弟曰：我先人全濟河西，所活者

不可勝數。商曾祖統更始二年補中郎將酒泉太守，使安集涼州時，西河擾亂，眾議以統素有

威信，乃推統與寶。雖大位不究，而積德必報。若慶流

于孫者，儻與此女乎？永建三年，與姑俱選入掖庭。時

年十三，相工茅通見后，驚再拜，賀曰：此所謂日角偃

月相之極貴，臣所未嘗見也。太史卜兆得壽房，又筮

得坤之比。易坤卦六五爻變而之比九五象曰：顯比

吉。遂以為貴人，常特被引御，從容辭於帝曰：夫陽以

博施為德，陰以不專為義。螽斯則百福之所由興也。

詩國風序曰：言后妃若螽斯不妬忌，則子孫眾多也。詩大雅曰：太姒嗣徽音，則百斯男也。願陛下

思雲雨之均澤，識貫魚之次序。易曰：雲行雨施，品物

宮人寵無不利，剝坤下艮上五陰而使小妾得免罪

謗之累由是帝加敬焉陽嘉元年春有司奏立長秋

宮以乘氏侯商先帝外戚商祖姑章帝貴人生和帝也春秋之義

娶先大國公羊傳曰天子娶於紀紀本于爵也先褒為侯言王者不娶於小國也梁小

貴人宜配天祚正位坤極正其內位居陰德之極也易曰女正位乎內也帝

從之乃於壽安殿立貴人為皇后壽安是德陽宮內殿名后既

少聰惠深覽前世得失雖以德進不敢有驕專之心

每日月見謫謫責也禮記云陽事不得謫見於天日為之食陰事不得謫見於日月為之食

輒降服求愆建康元年帝崩后無子美人虞氏子炳

立是為冲帝尊后為皇太后太后臨朝冲帝尋崩復

立質帝猶秉朝政時揚徐劇賊寇擾州郡西羌鮮卑

及日南蠻夷攻城暴掠賦歛煩數官民困竭太后夙

夜勤勞推心仗賢委任太尉李固等拔用忠良務崇

節儉其貪叨罪惡多見誅廢貪財日叨分兵討伐羣

寇消夷故海內肅然宗廟以寧而兄大將軍冀鳩殺

質帝專權暴濫忌害忠良數以邪說疑誤太后遂立

桓帝而誅李固太后又溺於宦官多所封寵以此天

下失望和平元年春歸政於帝太后寢疾遂篤乃御

輦幸宣德殿見宦省官屬及諸梁兄弟詔曰朕素有

心下結氣從間以來加以浮腫逆害飲食寢以沈困

寢漸也比使內外勞心請禱私自忖度日夜虛劣不能

復與羣公卿士共相終竟援立聖嗣根不久育養見其終始今以皇帝將軍兄弟委付股肱其多自勉焉

後二日而崩在位十九年年四十五合葬憲陵

虞美人者以良家子年十三選入掖庭續漢志曰美人父詩為郎

中詩父衡屯騎校尉又生女舞陽長公主自漢興母氏莫不尊

寵順帝既未加美人爵號而冲帝早夭大將軍梁冀秉政忌惡佗族故虞氏抑而不登但稱大家而已陳

夫人者家本魏郡少以聲伎入孝王宮得幸生質帝

亦以梁氏故榮寵不及焉熹平四年小黄門趙祐續漢

志曰小黄門六百石宦者無員掌侍左右受尚書事上在內宮關通中外及中宮以下眾事諸公主及王大妃等疾苦議郎卑整上言風俗通曰卑氏鄭大夫則使問之

北平春秋之義母以子貴公羊傳曰桓公幼而貴隱公長而卑桓何以貴母貴

也母貴則子何以貴子以母貴母以子貴隆漢盛典尊崇母氏凡在外戚

莫不加寵今冲帝母虞大家質帝母陳夫人皆誕生

聖皇而未有稱號夫臣子雖賤尚有追贈之典况二

母見在不蒙崇顯之次無以述遵先世垂示後世也

帝感其言乃拜虞大家為憲陵貴人陳夫人為渤海

孝王妃孝王名鴻章帝子千乘貞王伉之孫鴻生質帝帝立徙渤海焉使中常侍持

節授印綬遣太常以三牲告憲陵懷陵靜陵焉懷陵中帝

陵靜陵質帝陵

孝崇匱皇后諱明匱音為蠡吾侯翼勝妾蠡吾侯翼河間王開

子和帝孫生桓帝桓帝即位明年追尊翼為孝崇皇陵曰

博陵以后為博園貴人和平元年梁太后崩乃就博

陵尊后為孝崇皇后遣司徒持節奉策授璽綬齋乘

輿器服備法物曰永樂置少府以下皆如長

樂宮故事

漢官儀曰帝祖母稱長信宮帝母稱長樂宮故有長信少府長樂少府及職吏皆宦

者為之又置虎賁羽林衛士起宮室分鉅鹿九縣為后

湯沐邑在位三年元嘉二年崩以帝弟平原王石為

喪主石蠡吾侯翼子桓帝兄歛以東園畫梓壽器玉匣飯含之

具禮儀制度比恭懷皇后東園署名屬少府掌為棺器梓木為棺以漆畫之稱

壽器者欲其久長也猶如壽堂壽宮壽陵之類也漢舊儀曰梓棺長二丈廣四尺玉匣者腰已下為匣至

足亦縫以黃金為縷飯含者以珠玉實口使司徒持節大長秋奉弔祠賻

錢四千萬公羊傳曰貨財曰賻布四萬匹中謁者僕射典護喪

事侍御史護大駕鹵簿漢官儀曰天子車駕次第謂之鹵簿有大駕法駕小駕大

駕公卿奉引大將軍參乘太僕御屬車八十一乘備
千乘萬騎侍御史在左駕馬詢問不法者今儀比車
駕故以侍御
史監護焉
詔安平王豹河間王建渤海王悝悝音

長社益陽二長公主長社公主桓帝姊耿弇弟霸女
孫授尚焉益陽公主桓帝妹侍

中冠榮從與諸國侯三百里內者及中二千石二千

石令長相皆會葬將作大匠復土繕廟合葬博陵

桓帝懿獻梁皇后諱女瑩諡法曰溫和聖善曰獻
懿聰明睿智曰獻順烈

皇后之女弟也帝初為蠡吾侯梁太后徵欲與后為

婚未及嘉禮嘉禮
婚禮會質帝崩因以立帝明年有司奏

太后曰春秋迎王后于紀在塗則稱后公羊傳曰祭
公來逆王后

于紀傳曰祭公者何天子之三公
其稱王后何王者無外其辭成矣今大將軍冀女弟

膺紹聖善膺當也紹嗣也聖善謂母也言
娶妻當嗣親也詩云母氏聖善結婚之際

有命既集謂太后先有命許結親也詩
云天監在下有命既集也宜備禮章時

進徵幣徵成也納
幣以成婚請下三公太常案禮儀奏可於是

悉依孝惠皇帝納后故事聘黃金二萬斤納采鴈璧

乘馬束帛一如舊典漢書舊儀聘皇后黃金萬斤呂
后為惠帝娶魯元公主女故特

優其禮也儀禮曰納采用鴈鄭玄注云納其采擇之
禮用鴈取順陰陽往來也周禮王者穀圭以聘女鄭
玄注云士大夫以上乃以玄纁束帛天子加以穀圭
諸侯加以大璋然禮稱以圭此云用璧形制雖異為
玉同也乘馬四匹馬也雜記曰納幣一
束束五兩兩五尋然則每端二丈也建和元年六

月始入掖庭八月立為皇后時太后秉政而梁冀專朝故后獨得寵幸自下莫得進見后藉姊兄廕執恣極奢靡宮幄彫麗服御珍華巧飾制度兼倍前世及皇太后崩恩愛稍衰后既無子潛懷怨忌每宮人孕育鮮得全者帝雖迫畏梁冀不敢譴怒然見御轉稀至延熹二年后以憂恚崩在位十三年葬懿陵其歲誅梁冀廢懿陵為貴人家焉

桓帝鄧皇后諱猛女和熹皇后從兄子鄧香之女也母宣初適香生后改嫁梁紀紀者大將軍梁冀妻孫

壽之舅也后少孤隨母為居因冒姓梁氏冀妻見后

貌美永興中進入掖庭為采女絕幸采擇也以因明

年封兄鄧演為南頓侯位特進演卒子康嗣及懿獻

后崩梁冀誅立后為皇后帝惡梁氏改姓為薄封后

母宣為長安君四年有司奏后本郎中鄧香之女不

宜改易它姓於是復為鄧氏追封贈香車騎將軍安

陽侯印綬更封宣康大縣宣為昆陽君康為泚陽侯

賞賜巨萬計巨大也大萬謂萬萬也宣卒贈葬禮皆依后母

舊儀以康弟統襲封昆陽侯位侍中統從兄會襲安

陽侯為虎賁中郎將又封統弟秉為滎陽侯宗族皆列校郎將帝多內幸博採宮女至五六千人及驅役從使復兼倍於此而后恃尊驕忌與帝所幸郭貴人更相譖訴八年詔廢后送暴室以憂死漢官儀曰暴室在掖庭內承一人王宮甲婦人疾病者其就此室也立七年葬於北邙從父河南尹萬世及會皆下獄死甘陽侯統等亦繫暴室免官爵歸本郡財物没入縣官

桓思竇皇后諱妙章德皇后從祖弟之孫女也父諱武延熹八年鄧皇后廢后以選人掖庭為貴人其冬立為皇后而御見甚稀帝所寵唯采女田聖等永康元年冬帝寢疾遂以聖等九女皆為貴人及崩無嗣后為皇太后太后臨朝定策立解犢亭侯宏是為靈帝太后素忌忍積怒田聖等桓帝梓宮尚在前殿遂殺田聖又欲盡誅諸貴人中常侍管霸蘇康苦諫乃止時太后父大將軍武謀誅宦官而中常侍曹節等矯詔殺武遷太后於南宮雲臺家屬徙比景竇氏雖誅帝猶以太后有援立之功建寧四年十月朔率羣臣朝于南宮親饋上壽黃門令董萌漢官儀曰黃門令六百石

因此數為太后訴怨帝深納之供養資奉有加於前中常侍曹節王甫疾萌附助太后誣以謗訕永樂宮

靈帝母所居也訕謗毀也萌坐下獄死熹平元年太后母卒於比

景后感疾而崩立七年合葬宣陵

孝仁董皇后諱某河間人為解犢亭侯長夫人長河間孝

王開孫生靈帝建寧元年帝即位追尊長為孝仁皇

陵曰慎陵以后為慎園貴人及竇氏誅明年帝使中

常侍迎貴人并徵貴人兄寵到京師上尊號曰孝仁

皇后居南宮嘉德殿嘉德殿在九龍門內宮稱永樂拜寵執金

吾後坐矯稱永樂后屬請下獄死及竇太后崩始與

朝政使帝賣官求貨自納金錢盈滿堂室中平五年

以后兄子衛尉脩侯重脩今德州縣故城在縣南脩今作蔭音條為驃騎

將軍領兵千餘人初后自養皇子協數勸帝立為太

子而何皇后恨之議未及定而帝崩何太后臨朝重

與太后兄大將軍進權執相害后每欲參干政事太

后輒相禁塞后忿恚詈言曰汝今斬張怙汝兄耶斬張

猶疆梁也當勅驃騎斷何進頭來何太后聞以告進進與

三公及弟車騎將軍苗等奏孝仁皇后使故中常侍

靈紀光
和四年
條也曰
事推也
事障也
推專也
障餘人
責罪而
自取其利
也

夏惲永樂太僕封諳等交通州郡漢官儀曰永樂太僕用中人為之

辜較在所珍寶貨賂悉入西省辜較解見靈紀西省即謂永樂宮之司

蕃后故事不得留京師蕃后謂平帝母衛姬時王莽攝政恐其專權后不得留在

京師故云故事也輿服有章膳羞有品請永樂后遷宮本國

奏可何進遂舉兵圍驃騎府收重重免官自殺后憂

怖疾病暴崩在位二十二年民間歸咎何氏喪還河

間合葬慎陵

靈帝宋皇后諱某扶風平陵人也肅宗宋貴人之從

曾孫也劉放曰案宋貴人安得有從曾孫姓宋者當是漏一父字建寧三年選

入掖庭為貴人明年立為皇后父酆執金吾封不其

鄉侯不其縣屬琅邪郡故城在今萊州即墨縣西后南蓋其縣之鄉也其音基決錄注酆字伯遇

無寵而居正位後宮幸姬眾共譖毀初中常侍王甫

枉誅勃海王惲及妃宋氏熹平元年王甫譖惲與中常侍鄭璉交通欲迎立惲

妃即后之姑也甫恐后怨之乃與太中大

夫程阿共構言皇后挾左道祝詛禮記曰執左道以亂眾殺無赦鄭玄

注云左道若巫蠱也帝信之光和元年遂策收璽綬后自致暴

室以憂死在位八年父及兄弟竝被誅諸常侍小黃

門在省闈者皆憐宋氏無辜共合錢物收葬廢后及

鄧父子歸宋氏舊瑩臯門亭

詩云廼立臯門注云王之郭門曰臯門漢官儀

日十二門皆有亭

帝後夢見桓帝怒曰宋皇后有何罪過而

聽用邪孽使絕其命勃海王悝既已自貶又受誅斃

今宋氏及悝自訴於天上帝震怒罪在難救夢殊明

察帝既覺而恐以事問於羽林左監許永

續漢志曰羽林左監

一人秩六百石主羽林左

日此何祥其可禳乎禳謂除也

永對曰宋皇后親與陛下共承宗廟母臨萬國歷年

已久海內蒙化過惡無聞而虛聽讒妬之說以致無

辜之罪身嬰極誅禍及家族天下臣妾咸為怨痛勃

海王悝桓帝母弟也處國奉藩未嘗有過陛下曾不

證審遂伏其辜昔晉侯失刑亦夢大厲被髮屬地左傳

曰晉侯夢大厲被髮及地搏膺而踊曰殺余孫不義余得請于帝矣杜預注曰厲鬼趙氏之先祖也晉侯先殺趙同趙括故怒也天道明察鬼神難誣宜并改葬以安寃

魂反宋后之徙家復勃海之先封以消厥咎帝弗能

用尋亦崩焉

靈思何皇后諱某南陽宛人家本屠者以選入掖庭

風俗通曰漢以八月算人后家以金帛賂遺主者以求入也

長七尺一寸生皇子

辯養於史道人家號曰史侯

道人謂道術之人也獻帝春秋曰靈帝數失子

不敢正名養道人史子眇家號曰史侯

拜后為貴人甚有寵幸性彊忌

後宮莫不震懾光和三
年立為皇后明年追號后父
真為車騎將軍舞陽宣德侯因封后母興為舞陽君
時王美人任娠畏后乃服藥欲除之而胎安不動又
數夢負日而行四年生皇子協后遂鳩殺美人帝大
怒欲廢后諸宦官固請得止董太后自養協號曰董
侯

王美人趙國人也祖父苞五官中郎將美人豐姿色
聰敏有才明能書會計以良家子應法相選入掖庭
帝愍協早失母又思美人作追德賦令儀頌中平六
年帝崩皇子辯即位尊后為皇太后太后臨朝后兄
大將軍進欲誅宦官反為所害舞陽君亦為亂兵所
殺并州牧董卓被徵將兵入洛陽陵虐朝廷遂廢少
帝為弘農王而立協是為獻帝扶弘農王下殿北面
稱臣太后鯁涕群臣含悲莫敢言董卓又議太后跋
迫永樂宮至令憂死逆婦姑之禮乃遷於永安宮因
進醢弒而崩在位十年董卓令帝出奉常亭舉哀華
雋洛陽記曰城內有奉常亭公卿皆白衣會不成喪也有凶事素服而朝謂

後漢書卷二十一 皇后紀
之白衣會左傳曰 合葬文昭陵初太后新立當謁二
不書葬不成喪

祖廟欲齋輒有變故如此者數竟不克時有識之士
心獨怪之後遂因何氏傾沒漢祚焉明年山東義兵
大起討董卓之亂卓乃置弘農王於閣上使郎中令
李儒進醜曰服此藥可以辟惡王曰我無疾是欲殺
我耳不肯飲強飲之不得已乃與妻唐姬及宮人飲
讌別酒行王悲歌曰天道易兮我何艱棄萬乘兮退
守藩逆臣見迫兮命不延逝將去汝兮適幽玄因令
唐姬起舞姬抗袖而歌抗舉也曰皇天崩兮后土頽史記

悲歌

周烈王崩周人謂齊威王曰天崩地拆也

身為帝兮命天摧死生路異兮

從此乖柰我煢獨兮心中哀因泣下嗚咽坐者皆歔
欷王謂姬曰卿王者妃執不復為吏民妻自愛從此
長辭遂飲藥而死時年十八唐姬潁川人也王薨歸
鄉里父會稽太守瑁欲嫁之姬誓不許及李傕破長
安遣兵鈔關東略得姬傕因欲妻之固不聽而終不
自名不自名少帝之姬也袁宏紀曰為傕所略不敢自言尚書賈詡知之魏志曰詡
字文和武威姑臧人少時漢陽閭忠見而異之曰詡有良平之才以狀白獻帝帝聞
感愴乃下詔迎姬置園中使侍中持節拜為弘農王

妃初平元年二月葬弘農王於故中常侍趙忠成壙

中趙忠元有成壙因而葬焉謚曰懷王帝求母王美人兄斌斌將

妻子詣長安賜第宅田業拜奉車都尉興平元年帝

加元服有司奏立長秋宮詔曰朕稟受不弘遭值禍

亂未能紹先以光故典皇母前薨未卜宅兆禮章有

闕中心如結詩云心如結兮三歲之感蓋不言吉且須其後

於是有司乃奏追尊王美人為靈懷皇后改葬文昭

陵儀比敬恭二陵敬章帝陵恭安帝陵使光祿大夫持節行司

空事奉璽綬斌與河南尹駱業復土斌還遷執金吾

封都亭侯凡言都亭者並城內亭也漢法大縣侯位視三公小縣侯位視上卿鄉亭侯視中二千石

也千石食邑五百戶病卒贈前將軍印綬謁者監護喪

事長子端襲爵

獻帝伏皇后諱壽琅邪東武人東武今密州諸城縣大司徒湛

之八世孫也父完沈深有度襲爵不其侯尚桓帝

女陽安公主陽安縣屬汝南郡故城在今豫州朗山縣東北為侍中初平元

年從大駕西遷長安后時入掖庭為貴人興平二年

立為皇后完遷執金吾帝尋而東歸李傕郭汜等追

敗乘輿於曹陽帝乃潛夜渡河走度所在今陝州陝縣北水經曰銅翁

仲所沒處是獻六宮皆步行出營周禮曰王后率六宮之人鄭玄注曰

六宮之人夫人以下后手持縑數匹董承使符節令

孫徽以刃脇奪之殺傍侍者血濺后衣濺音子既至

安邑御服穿敝唯以棗栗為糧建安元年拜完輔國

將軍儀比三司完以政在曹操自嫌尊戚乃上印綬

拜中散大夫尋遷屯騎校尉十四年卒子典嗣自帝

都許守位而已宿衛兵侍莫非曹氏黨舊姻戚議郎

趙彥嘗為帝陳言時策曹操惡而殺之其餘內外多

見誅戮操後以事入見殿中帝不任其憤因曰君若

能相輔則厚不爾幸垂恩相捨操失色俛仰求出舊

儀三公領兵朝見令虎賁執刃挾之操出顧左右汗

流浹背浹微也音子協反自後不敢復朝請董承女為貴人

操誅承而求貴人殺之帝以貴人有妻說文曰妻孕也音仁陰反

累為請不能得后自是懷懼乃與父完書言曹操殘

逼之狀令密圖之完不敢發至十九年事乃露泄操

大怒遂逼帝廢后假為策曰皇后壽得由卑賤登顯

尊極自處椒房漢官儀曰椒房取其蕃實之美二紀

于茲既無任姒徽音之美太任文王母太姒武王母徽美也詩云太姒嗣徽音

又乏謹身養已之福

左傳曰人受天地之中以生謂之命能者養之以福不能者敗

禍以取

而陰懷妬害苞藏禍心弗可以承天命奉祖宗

今使御史大夫郝慮持節策詔其上皇后璽綬

蔡邕獨斷

曰皇后赤綬玉璽續漢志曰乘輿黃赤綬四綵黃赤

縹紺淳黃圭綬長二丈九尺九寸五百首太皇太后皆與乘輿同

退避中宮遷于它館嗚呼傷哉自壽取

之未致于理為幸多焉又以尚書令華歆為郝慮副

魏志曰華歆字子魚平陽高唐人代荀彧為尚書令慮字鴻預山陽高平人

勒兵入宮收

后閉戶藏壁中

劉歆曰案歆就牽后出時帝在外

殿引慮於坐后被髮徒跣行泣過訣曰不能復相活

邪帝曰我亦不知命在何時顧謂慮曰郝公天下寧

有是邪遂將后下暴室以幽崩所生二皇子皆醜殺

之后在位二十年兄弟及宗族死者百餘人母盈等

十九人徙涿郡

獻穆曹皇后諱節

諡法曰布德執義曰穆

魏公曹操之中女也

建安十八年操進三女憲節華為夫人聘以束帛玄

雷住於國以待年長

十九年竝拜為

貴人及伏皇后被弒明年立節為皇后魏受禪遣使

求璽綬后怒不與如此數輩后乃呼使者入親數讓

求璽綬后怒不與如此數輩后乃呼使者入親數讓

求璽綬后怒不與如此數輩后乃呼使者入親數讓

之以璽抵軒下

抵擲也軒闌板也

因涕泣橫流曰天不祚爾

左右皆莫能仰視后在位七年魏氏既立以后為山陽公夫人自後四十一年魏景初元年薨合葬禪陵車服禮儀皆依漢制

論曰漢世皇后無謚皆因帝謚以為稱雖呂氏專政上官臨制亦無殊號上官昭帝后也中興明帝始建光烈之

稱其後竝以德為配至於賢愚優劣混同一貫故馬竇二后俱稱德焉其餘唯帝之庶母及蕃王承統以追尊之重特為其號如恭懷孝崇之比是也初平中

蔡邕始追正和熹之謚

蔡邕集謚議曰漢世母氏無謚至于明帝始建光烈之稱

是後轉因帝號加之以德上下優劣混而為一違禮大行受大名小行受小名之制謚法有功安人曰熹帝后一體禮亦宜同大行皇太后謚宜為和熹其安思順烈以下皆依而加焉

贊曰坤惟厚載陰正乎內

易曰坤厚載物又曰女正位乎內男正位乎外詩

美好述

述匹也詩云窈窕淑女君子好述言后妃有關雎之德為君子好匹

易稱歸妹

兌下震上歸妹卦也婦人謂嫁曰歸妹為少女之稱兌為少陰震為長陽少陰而承長陽悅以動之歸妹之象也以六五與九二相應祁祁皇嬪言觀貞淑祁衆多也嬪亦儷也觀示也言諸后皆示其貞淑配皇為儷案字書無嬪字相傳音麗蕭該音離媚茲

良哲承我天祿班政蘭閨宣禮椒屋

班固西都賦曰後宮則掖庭椒

房后妃之室蘭林蕙草披香發越蘭林殿名故言蘭閨椒屋即椒房也

既云德升亦曰

幸進

篤升謂馬鄧等也幸進謂關何之類也

身當隆極族漸河潤

公羊傳曰

河海潤千里也

視景爭暉方山竝峻乘剛多阻行地必順

易屯

卦象曰六二之難乘剛也又坤卦曰牝馬地類行地無疆王弼注云地之所以得無疆者以卑順行之故也

咎集驕滿福協貞信慶延自己禍成誰釁

漢制皇女皆封縣公主儀服同列侯

漢法大縣侯視三公

其尊

崇者加號長公主儀服同蕃王

蔡邕曰帝女曰公主姊妹曰長公主建武

十五年封武陽公主為長公主即是帝女尊崇亦為長非惟姊妹也與服志曰長公主赤闕駟車

同諸王女皆封鄉亭公主儀服同鄉亭侯

鄉亭侯視中二千石

肅宗唯特封東平憲王蒼琅邪孝王京女為縣公主

東平王傳曰封蒼女五人為縣公主孝王女傳不見其數

其後安帝桓帝妹亦封

長公主同之皇女

案鄧禹玄孫少府褒尚舞陰長公主耿弇曾孫侍中良尚漢陽公主

岑彭玄孫魏郡守熙尚涅陽長公主來歙玄孫虎賁中郎將定尚平氏長公主竝安帝妹也長社益陽公

主桓帝妹也解見上

其皇女封公主者所生之子襲母封為列

侯

馮定獲嘉公主子襲封獲嘉侯馮奮平陽公主子襲封平陽侯此其類也

皆傳國於後

鄉亭之封則不傳襲其職僚品秩事在百官志

沈約謝儼

傳曰范曄所撰十志一皆託儼搜撰垂畢遇曄敗悉蠟以覆車宋文帝令丹陽尹徐湛之就儼尋求已不

復得一代以為恨其志今關續漢志曰諸公主家令一人六百石丞一人三百石其餘屬吏增減無常漢官儀曰長公主傅一人私府長一人食官一人永巷長一人家令一人秩皆六百石各有員吏而鄉公主傅一人秩六百石僕一人六百石家丞一人三百石也

末

不足別載故附于后紀

皇女義王建武十五年封武陽長公主適延陵鄉侯

太僕梁松舞陽縣屬潁川郡松梁統之子其傳云尚光武女舞陰公主又鄧訓傳舞陰公主子

梁扈有罪訓與交松坐誹謗誅

皇女中禮十五年封涅陽公主適顯親侯大鴻臚竇

固涅陽屬南陽郡顯親縣屬漢陽郡固竇融子肅宗尊為長公主

皇女紅夫十五年封館陶公主適駙馬都尉韓光光

坐與淮陽王延謀反誅

皇女禮劉十七年封涑陽公主適陽安侯長樂少府

郭璜璜郭况子也璜坐與竇憲謀反誅

皇女綬綬一作緩二十一年封酈邑公主適新陽侯世子

陰豐豐害主誅死酈縣屬南陽郡音擲亦反新陽縣屬汝南郡豐陰就子

世祖五女

皇女姬永平二年封獲嘉長公主適楊邑侯將作大

匠馮柱獲嘉縣屬河內郡楊邑縣屬太原郡柱馮魴子

皇女奴三年封平陽公主平陽縣屬河東郡適大鴻臚馮順

順勤子也

皇女迎迎或作延三年封隆慮公主隆慮縣屬河內郡適牟平侯

耿襲牟平縣屬東萊郡襲耿弇弟舒之子

皇女次三年封平氏公主平氏縣屬南陽郡既不言所適不顯始終蓋史闕之

也它皆倣此

皇女致三年封沁水公主沁水縣屬河內郡適高密侯鄧乾

乾鄧震之子禹之孫

皇女小姬十二年封平臯公主平臯縣屬河內郡適昌安侯

侍中鄧蕃昌安縣屬高密國蕃鄧襲子禹之孫也

皇女仲十七年封浚儀公主適軼侯軼志作軼音伏師古曰又音從

系反黃門侍郎王度軼縣屬江夏郡度王符子霸之孫

皇女惠十七年封武安公主適征羌侯世子黃門侍

郎來稜征羌縣屬汝南郡稜稜之子歛之孫安帝尊為長公主

皇女臣建初元年封魯陽公主魯陽縣屬南陽郡

皇女小迎元年封樂平公主樂平太清縣屬東郡章帝更名

皇女小民元年封成安公主成安縣屬潁川郡

顯宗十一女

後漢書卷二十一 皇后紀
皇太后
皇女男建初四年封武德長公主

皇女王四年封平邑公主 平邑縣屬代郡今魏郡昌樂東北又有平邑城

適黃門侍郎馮由

皇女吉永元五年封陰安公主 陰安縣屬魏郡

肅宗三女

皇女保延平元年封脩武長公主 脩武縣屬河內郡

皇女成元年封共邑公主 共縣屬河內郡

皇女利元年封臨潁公主 縣屬潁川郡 適卽墨侯侍中賈

建 卽墨縣屬膠東國建賈參子復之曾孫

皇女興元年封聞喜公主 聞喜縣屬河東郡

和帝四女

皇女生永和三年封舞陽長公主

皇女成男三年封冠軍長公主 冠軍縣屬南陽郡

皇女廣永和六年封汝陽長公主 汝陽縣屬汝南郡

順帝三女

皇女華延熹元年封陽安長公主 適不其侯輔國將

軍伏完 完伏湛五世孫

皇女堅七年封潁陰長公主 潁陰縣屬潁川郡

皇女脩九年封陽翟長公主

桓帝三女

皇女某光和三年封萬年公主

靈帝一女

昭和四十二年十月二十九日此卷柳田氏記

皇女淑儀三平桂原長公主

皇女坐衣味三平桂原長公主

味帝四女

後漢書示之十下

